

四庫全書

史部

# 欽定四庫全書

史部

國朝宮史卷十三

詳校官編修臣溫汝适

編修臣程嘉謨覆勘

總校官進士臣朱鈐

校對官中書臣宋枋遠

謄錄監生臣王永榮

欽定四庫全書

國朝宮史卷十三

宮殿三

內廷二

月華門之西為西一長街南即內右門中為

近光右門北為長寧右門轉東即瓊苑

西門也由近光右門而北向東之門凡三曰

咸和右門廣生右門大成右門咸和

右門之西相對為 純佑門中間南向者曰

永壽門門內為

永壽宮前殿

御筆扁曰令儀淑德 廣生右門之西相對為 崇

禧門中間南向者曰 翊坤門門內為

翊坤宮前殿

御筆扁曰懿恭婉順後殿扁曰懋端壺教聯曰德茂  
椒塗綿福履教敷蘭掖集嘉祥 大成右門之

西相對為長泰門中間南向者曰儲秀門  
門內為

儲秀宮前殿

御筆扁曰茂修內治以上三宮俱順治十二年重建  
三宮之西為西二長街南則螽斯門北則  
百子門也街西與純佑門相對者曰嘉祉  
門再西為啟祥門中間南向者亦曰啟祥  
門門內為

啟祥宮前殿

御筆扁曰勤襄內政與 崇禧門相對者曰 敷華  
門再西為 綏祉門中間南向者曰 長春門  
門內為

長春宮前殿

御筆扁曰敬修內則後殿扁曰德協坤元西室扁曰  
德洽六宮與 長泰門相對者曰 咸寧門再  
西為 永慶門中間南向者曰 咸福門門內

為

咸福宮前殿

御筆扁曰內職欽承聯曰敬順禋躬吉溫恭受福宜  
後殿扁曰滋德含嘉聯曰天倪起萬象神氣領  
三無東室扁曰琴德籥西室扁曰畫禪室以上  
三宮俱康熙二十二年重建此西六宮之敍置  
也 百子門之北向為乾西五所近東者今為

重華宮

皇上龍潛時舊邸也宮之前曰重華門門內為

崇敬殿殿內扁曰樂善堂

皇上潛邸時書也聯曰

聖訓光昭敬誠常自勗天倫敦敘忠孝在躬行張廷玉奉

命書也

御製樂善堂記 昔樂善堂集中有所謂樂善堂記

者蓋用此堂之名以名圓明園

賜居桃花塢之堂而記亦記彼處之勝與宮中此堂無



涉也然彼時之樂善祇數典漢東平王以為亟今  
斯堂則為重華宮之前殿不可以桃花塢堂之記  
槩之因思東平之樂善原數典于大舜所謂樂取  
於人以為善也茲適為重華宮之前殿則今之樂  
善祇宜景仰大舜之為而不必更囿於東平之蹟  
矣夫大舜之取諸耕稼陶漁之善世遠固不可徵  
而詢岳咨牧載在虞書者彰彰可考無非舍己從  
人與人為善而地平天成庶績咸熙胥於是乎基

之是乃千古帝王之法則而非藩服屏翰者所可  
相提並論其事體大而責任重也昔之效東平為  
甚易今之企大舜為綦難是不可無記以朝夕體  
之心而措諸政也然而其志在是其慙亦在是矣

堂之東西 暖閣俱供佛像 東暖閣

聖祖仁皇帝御筆扁曰意葉心香聯曰蓮花貝葉因心  
見忍草禪枝到處生 西暖閣

御筆扁曰吉雲持地聯曰滿字一如心得月梵言半

偈舌生蓮堂之後為

重華宮東室扁曰芝蘭室

世宗憲皇帝御筆聯曰芰荷香繞垂鞭袖楊柳風微弄  
笛船西室

御筆聯曰篆象金爐入座和風初送暖花迎玉佩映  
階芳草自生榮

御製題重華宮舊書室詩癸亥 何曾寂寞仲舒帷

依舊明窓受暖曦閒却七絃調雁柱汲來六一煮

金史卷之三十三  
銀絲三餘樂有陳編伴幾暇權無奏牘披彷彿當年吟破臘披牋搦管恰移時

御製春正與諸王及內廷大學士翰林等小宴重華

宮聯句復得詩三首

丙寅

蘭殿辛盤迓早春展

親更復洽臣鄰從來盛事成佳話況是宗藩與吉

人金荔色酣珠乍點玉梅香度粉初皴說之燈夕

詩如繒花萼樓前雨露新 報道東來風是條鴻

龍運斗已旋杓挾振煥彩春方麗鵲鵲堆銀雪未

消五色書雲光燦爛雙葩結  
皛影招搖慶雲半壁懸西宇  
景物迎人正復饒初韶應律  
正光昌  
宜矣春和聚一堂殷鼎調梅  
惟傳相漢臺賡句有梁王樂  
調大簇鳴虞磬節煇浮圓勝  
楚餽同任股肱民社寄勗哉  
無或負明良

御製重華宮新正試筆詩

丁卯

旋轉東皇又踐春

光風嫩日湊芳辰聲傳爆竹  
千門喜頌入椒花萬象新  
牡礪窓前梅遞馥屠蘇杯裏  
酒餘醇撫時奉

若奚謀志資始乾元在體仁

御製新正令日重華宮恭侍

皇太后宴詩丁卯 令日韶光令重華喜氣重綺筵

王母壽綵勝早春容爵繼屠蘇捧屏開仙木穠節簾晴  
旭麗噴鼎瑞烟濃侍

愛頻申勸承

恩忘致恭宮中行樂處錫類萬方從

御製新春與大學士並內廷翰林等重華宮聯句小

宴復成近體詩丁卯

興慶宮中翰墨筵每教令

日紀韶年情關一德聯堂陞樂叶八音調管絃體  
物漫稱詩禁雪抽思應許興奔泉天街爆竹聲碑  
磬却喜陽和萬里宣

御製重華宮書室題壁詩丁卯

餞秋時節破冬初

旭影溫暾在綺疏依舊年光經一紀每從幾暇樂  
三餘猊煙靄靄縈銀蒜蓮漏泠泠滴玉蜍靜憩非  
闕參半偈暫教六欲少因祛

御製新春奉

皇太后重華宮小宴詩戊辰 紛來鸞鳳數無央玉宸

金輿擁百祥西望瑤池降

王母東迎蒼駕蒞青皇魚龍曼衍頻陳瑞火樹龍蔥待

燭光七種豫挑人日菜

萬年先進上元觴

御製新正重華宮侍

皇太后膳詩己巳 開紀亞新禧承



歡敢後時青陽臨左个

王母降西池許案還增感菜衣勉自持畫屏層鏤勝寶  
樹疊分枝花艷先春發燈光入夜披更期三五月  
輪滿泛瑤卮

御製新正重華宮侍

皇太后宴詩庚午 獻春行慶始天家

王母斑龍降葆車風到五朝初有驗人當七日半非賒  
華燈光引團團月椒酒香留泛瀲霞邀得

慈顏歡顧處上林猶積玉為花

御製新春重華宮詩 辛未

即漸青韶到玉鑾新年

書史伴清歡錦呈天鹿裁幡勝篆引仙凰噴麝蘭  
風定蓮壺添永漏雪融鴛瓦避輕寒奏章尚簡心  
餘暇鏡古勤思體治安

御製重華宮侍

皇太后宴詩 辛未

首歲熙春宴重華介

壽辰綵屏開令節瓊爵獻

慈親樂奏十年曲燈迎五夜新樓頭紛瑞玉淑氣協鴻鈞

御製重華宮侍

皇太后宴詩士中

初春景物鬯和韶繡袞承

歡載頌椒寶籙重欣開綺甲瑤觴首介獻芳朝沉香火  
底銀簧暖濃麝風前玉藥嬌願共寰中尊愛意千秋萬歲奉

東朝

御製重華宮小宴大學士及內廷翰林諸臣詩

壬申

重華文宴集羣仙瑞應瓊樓霽景鮮民瘼心關  
既均此

天恩額慶合同然間拈吟管聊酬節笑指春梓又隔年  
賀監金門重應制致予逸興益飛遶 冀開十葉  
應昌辰和會衣冠燕愷申生面齊看戲毬獸別裁  
奚藉捉刀人毋相容易一堂樂共尚疇咨四海春  
嘉夜傳柑遲五日冰輪如侍載賡頻

御製新春重華宮恭侍

皇太后家宴詩癸酉

孫曾引領綠衣迎行樂宮中和

氣盈鴛瓦棲雲為喜色鳳笙按曲是春聲五辛盤  
獻先人日六葉蓂舒正午晴愛敬一心承

色笑願留義馭駐南榮

御製重華宮書室疊舊作韻詩癸酉

芸籍依然此

緹帷偶來小坐惜流曦知行未逮玉無玷俯仰幾  
何鬢有絲兩字聖狂銘切凜千秋治亂鏡明披徘徊

徊擬欲賡前詠落筆都成自愧時

御製新春重華宮侍

皇太后宴詩

甲戌

西望瑤池近羣迎

王母臨歡同萬方養春始九重深屏綴延年篆笙調太  
簇音六鰲蘭作皦百寶霧成陰入畫元朝慶徵詩

吉字吟瑞雲飄喜氣

天意即人心

御製新正重華宮恭侍

皇太后宴詩乙亥 慈祥門對啟祥開西望鸞儀

王母來寶勝瑞迎人日帖綺筵

壽介紫霞杯和風未覺舒宮柳晴旭渾看綻殿梅入夕

九華迎令節更聞萬戶聞春雷

御製新正重華宮詩丙子 銅龍問

安迴紫鳳披圖始屏展椒餘馨帖懸勝裁綺青宮奉時

韶丹書凜敬止南望江鄉遙饑寒偏閭里西厓雪

嶺外勞苦衆軍士萬方縱小康兩端切深揣方伯

新奏雪邇郵亦報喜受俘指日期多稼三秋擬

御製新正重華宮侍

皇太后宴詩丙子 淡蕩青陽益瑟煖瑞旭舒載陳家

慶宴欣迓

大安輿軟節雖纔過韶春正好初長筵列孫子諸戲舞

龍魚玉食萬方養

仙籌億數餘祥和肇皇室四海遍吹噓

御製立春日雪與大學士及內廷翰林聯句重華宮



是日復得詩二首丙子 條風今日是新春吉色  
華光靄映振茗果雅堪酬盛節杯盤何必亟茲辰  
悅心甘澤霑三白堅齒生香試五辛同有燮時祈  
歲責即看京兆出耕人 青韶入律喜陽和瑞雪  
端因兆麥禾散漫烟輕微露日紛敷花發不論科  
席珍會處那辭屢墨搨鐫成無乃多不異股肱交  
警意載賡庸作豈妨歌

御製新正重華宮侍

皇太后宴詩丁丑

安輿迓中禁綵服引諸孫春酒介

眉壽華銓先上元韶光融瑣闥和氣霽徽垣柏葉千齡

願長承

色笑恩

御製重華宮新正詩戊寅 春臺此日衆同躋訢合

東皇萬福禔左个青陽迎紫鳳元辰嘉祉應金鷄

載昭土德祈豐楙敬授人時紀攝提充豫徐淮籌

作人沮洳幸涸舉耕犂

御製新正重華宮侍

皇太后宴詩

戊寅

青陽雖盈霽龍墀首祚承歡奉

聖慈彤管不勝書

懿德金庭長此御

隆祺寶檠蘭釵九華燭玉醴椒芬

萬壽卮雖是年年依例事如斯約以十千斯

御製新正重華宮侍

皇太后宴詩已卯

毓德當年處

大安此日扶奉時欣引達養

志冀

怡愉仙木雲成慶春屏勝作符

慈寧千萬壽祥肇歲朝圖

御製重華宮曲宴和園回長幙咱吧爾詩已卯朝

天蕪值預朝正曲宴宜教沐寵榮爾父誠為識時

務王臣詎有限裨瀛舊宮小會輕齊史新城來賓

願武成入律東風方湊達春臺樂與物咸亨

御製新正重華宮侍

皇太后宴詩庚辰

鳳輦臨龍閣新年第一祥  
彤庭增喜氣綠野遍春光  
欣

答初韶令欽稱

萬壽觴枌橈蘭百和勝帖燕雙翔  
綵服孫曾繞

遐齡日月長宮中行

樂養欲以化羣方

御製重華宮曲宴御前藩王大臣侍衛及內廷翰林  
諸臣即席得句詩庚辰 曲宴重華隔許年  
旰宵惟是厘籌邊却欣汜勝占三白  
況值武成拓八埏嘉與賢藩酬綺節  
便宣翰苑賦瑤篇尚懷奏凱歸  
來者風雪長途正著鞭

御製新正重華宮恭侍

皇太后宴詩辛巳

太昊蒼蒼啟節東承

歡綺宴合青宮

七旬開秩慶方始四海為家養備隆  
馥馥芳蕤噴溫卉  
磴磴新社繪春工侑盤新果來西域  
宋史唐書可  
或同 東廡為 葆中殿殿內扁曰古香齋  
聯曰  
四壁圖書饒古色重簾烟篆挹清芬  
西廡為  
浴德殿殿內扁曰抑齋聯曰賞心於此  
遇即  
事多所欣

御製題抑齋詩

壬戌

窓紗浸綠鳥聲頻拂拂花香

戶外新座有蘭烟文作篆壁留箒字額題銀偶然

得句緣新意長自耽書是宿因慚愧當年齋內容  
擘箋煮茗一閒身

御製夏日齋居重華宮抑齋作詩

甲子

瑣窓瀟灑

靜無塵得意忘言舊似新但使心中無芥蒂何須  
戶外列松筠壁留亥字銅仙駐案有丁年玉帙陳  
却愧向來齋內容匡牀消夏一閒人 宮後為

翠雲館聯曰古訓手披勤每競寸陰求日益民  
依心默運常先萬姓祝年豐東室扁曰養雲聯



曰白雲有古調青山無俗緣東次室扁曰長春  
書屋西室扁曰墨池聯曰屏展烟鬟雲鶴閒看  
心共遠座凝香篆風松靜覺韻偏清西次室扁  
曰澄心觀道妙 重華宮之東為 漱芳齋齋  
內扁曰正誼明道

御製賦得正誼明道詩

辛巳

天人三策對帝命相

江都爰致卒然問惟陳卓爾謨道明功豈計誼正  
利休圖試譬魯詔柳堪知越伐吳羞稱五伯詐較

識一仁無終得驕王革何妨諛相誣政經真法訓  
漢室最醇儒詮義書屏扆將為出治模 東室扁

二一日莊敬日強一日高雲情聯二一日清燕  
凝神天和閒處養從容守正元化靜中涵一日  
花香鳥語羣生樂月霽風清造物心東次室門  
上聯曰由舊典時式其永無愆思庶政惟和不  
敢自逸門內扁曰靜憩軒

御製題靜憩軒詩

丙寅

室是舊書齋一向此習靜

明道有至訓動定靜亦定萬幾值清暇詎無堪適  
興義府有餘樂琴軒致虛淨玉版頃間搦吟几仍  
晚憑會心皆可參玩物斯為病明窓駒影過誰識  
流陰競昔以忘天倪今以觀物性 西室聯二一  
曰寫誠敬之心禮章樂亮繪恬熙之象日麗風  
和一曰綠綺琴彈白雪引烏絲絹寫黃庭經殿  
後穿堂扁曰稽古佩文聯曰恭已奉三無澄心  
待萬幾堂後東向扁曰金昭玉粹聯曰瑞景瓊

樓開錦繡歡聲珠閣奏雲韶東室扁曰隨安室  
啟祥宮之西南向者為 延慶門門內為  
延慶殿殿後為 廣德門門內為 撫辰殿扁  
曰欽福宜民聯曰生機對物觀其妙義府因心  
獲所寧殿後為

建福宮乾隆五年建扁曰不為物先東室聯曰交  
泰三陽肇義象欽時五福協箕疇西室聯曰香  
謁綺疏蕙圃敷榮滋湛露風清釦砌芝房擢秀

映長春

御製建福宮賦 居寰中以御物凜

天命兮難諶懼大業之弗勝恒乾惕兮小心戒峻宇與  
雕牆鑒酒池兮肉林愧饑渴其未解遑安逸兮是  
尋乃者新宮落初玉祀金鋪創名建福義何居乎  
蓋是地也圍於宮牆而弗加擴卑於路寢而弗增  
華畏炎歊之相偪乃託興乎清嘉儉不至陋幽而  
匪遐況在重華之右比之興慶之宮未費司農之

帑何勞庶民之攻經之營之募千夫而齊力如松  
如竹閱數月而成功於是殿方馭娑宮比駘盪長  
春長樂披青簡而空傳太和保和凭朱欄而相望  
千門萬戶兮笑漢制之太奢茅茨土階兮欽堯儉  
之堪尚軒號靜怡兮期成性之常存齋名敬勝兮  
恐舉念之或妄亭顏惠風兮欲膏澤之旁敷閣扁  
延春兮與羣生而咸暢觸目警心兮守此志而始  
終居安思危兮常厯懷而籌量爾其文石矗立嘉

木叢生羅芝田兮蕙畹來燕賀兮鶯鳴披薰風兮  
思解慍對時雨兮樂向榮觀太宇兮調元紀育萬  
物兮驗農耕又何必焚隋廷之甲煎樹漢苑之金  
莖歌陳宮之玉樹聽唐曲之新聲而始稱悅情也  
哉於是而春覽生意而欣欣於是而夏遠煩暑而  
灑灑乃其秋也偉西成之可慶乃其冬也體貞元  
之凝命載色載笑奉

慈闈而承歡來游來歌與良臣而交儆於以承

先厘肯構而勿忘於以示後庶斯言之是聽重曰洪範  
有言欽時五福敷錫庶民與時茂育予宅是居心  
乎肅肅受

天之祐匪藉田燭建民之極匪侈華屋繼繩光烈對越  
於穆進賢納諫懲惡旌淑志苟懷安是謂不穀尚  
慎旃哉永膺

天祿

御製建福宮新春詩癸亥 禁城景物報和韶初轉



寅方玉斗杓漏洩春光梅破蕾招搖風信柳拖條  
池心鏡面冰將解牆角銀根雪欲消  
振詩腸量多  
少新年覺比舊年饒

御製夏日建福宮詩

癸亥

松檜陰森綠映筵可知

鳳闕有壺天含風蘚面紋常縐得雨花心色更鮮  
棄日一篇詩詠杜消閒半幅紙臨宣渴烏虬箭無  
須報旭影階除即漸還  
粉褪新竿幾個亭吟風  
疎籟亦堪聽最欣幽賞供青睞何必遐觀菴綺櫺

鳥過花林紅瑣碎烟含蘭畹紫丁星假山徹夜流  
甘雨夢作匡廬瀑水冷丹楓底事慕山林無那  
松篁瀟灑心境自遠塵皆入詠物含妙理總堪尋  
金城漏永芙蓉靜玉宇宵明象緯沉正是南薰長  
養候好將解阜驗鳴琴

御製暮春恭奉

皇太后建福宮賞花侍膳之作

丙寅

新花迴雁報春

歸韶景長舒愛日暉幾個綠筠吟鳳管雙株紅杏

舞萊衣酒斟北斗升玫陛

壽指南山映瑣闥  
怡喜宮中承

色笑芳辰風物總光輝

御製建福宮紅梨花詩已已

不許香風幾度頻嬌

紅嫩綠各爭新  
最憐雨後偏  
饒韻底事春來易愴  
神葉態花姿  
剛相稱蜂衙蝶陣  
豈無因一枝佛鉢  
堪清供便欲因之悟六塵

御製建福宮對雨詩壬申

朝隣復禁絲冥濛勢旁

午朝罷此宴息耕犁方待舉前池羅春光潤含花  
下土芳菲襲翰思綽約延清覩喜豈喻近臣慰惟  
共農父有秋其尚遥無逸以為所

御製建福宮詠紅梨花詩

甲戌

李花太白海棠紅

斟酌穠纖著禁叢最是麝風林月下仙人遙在蕊

珠宮 宮後為 惠風亭又北為 靜怡軒扁曰

與物皆春聯曰雨潤湘簾苑外青巒飛秀風披

錦幙階前紅葯翻香

御製靜怡軒晚對雨詩

壬戌

不辨鳳城漏如聞金

紀琴楣欄滌暑氣花木沃芳心延爽試風袂迷歸  
亂晚禽詞臣已退食玫瑰陞獨清吟

御製題靜怡軒詩

庚辰

彤宮宴息處清舒敞雲楣

綵疏例弗卻珠綴奢厭施琴書箇中富間亦陳鼎  
彝穆然古與對三代興翹思漢唐兩文帝尚未窺  
樊籬三代詎易言以此增忸怩側席恒不遑奚曾  
靜且怡

御製靜怡軒作歌 辛巳 城市人烟庶倍常宮庭繚  
繞圍紅牆比較園居實覺熱祇有靜怡猶爽涼靜  
怡爽涼寧繫境白傳詩禪趣堪省然予憂樂以天  
下自怡詎可常貪靜 西室扁曰四美具其屏間  
則

御筆視聽言動思五箴也室後聯曰墨壺琴薦相先  
後舊詠新裁自品評又聯曰蘭殿藹晴暉爐烟  
結翠芝宮呈秀采砌草舒芳軒後為 慧曜樓

樓西為 吉雲樓聯曰吉雲垂大地慈鏡照諸  
天樓下扁曰如是室聯曰華海澄明性源離色  
相法鈴朗徹覺地了聲聞 吉雲樓西為 敬  
勝齋閣上扁曰肝食宵衣聯曰看花生意慈聽  
雨發言泉閣下西室扁曰性存聯曰致虛涵白  
室式古凜丹書

御製敬勝齋詩

庚辰

君道典謨備始終惟一欽丹

書爰取義白室此為箴常有圖書伴如承師保

臨凜乎朽索喻逆豫敢萌心 齋西扁曰德日新

聯曰牙籤披古鑒香篆引澄懷其庭中垣門上

東伺鐫

御筆扁曰朝日暉其東山石上鐫

御筆題曰飛鳳垣西為碧琳館東向樓上扁曰靜

中趣聯曰參得王蒙皴法寫將杜甫詩情又聯

曰與物皆春花木四時呈麗景抗心希古圖書

萬軸引清機又左聯曰軒墀饒秀潤書史足吟



哦右聯曰味道研精義隨時愛景光樓下聯曰  
素心悅澹泊勝托惟靜虛又曰窓意包涵畫天  
容醞釀春

御製碧琳館詩

壬戌

疊石為假山植檜稱溫樹咫

尺蘭泥間縹緲蓬壺趣雕繪詎足尚澹泊素所慕  
可以貯琴書遐心期古遇戶外響輕風琅玕奏韶  
濩佳景足一窻新名恰當可奚事建章宮門戶  
千萬彩漏報出花鐘篆裊沈檀火後樂惟同民先

憂益塵我永言惻獨哀豈啻富人哿 殷懷周海  
寓深居敢宴盤寸陰信不假萬幾焉有閒輕裘念  
鶉結玉食軫糲餐聖狂別罔克朝夕凜惕乾肯堂  
勵方來保此磐石安 碧琳館南為 妙蓮華室  
聯曰青蓮法界本清淨白毫相光常滿圓又聯  
曰轉諦在語言而外悟機得真實之中 妙蓮  
華室之南為 凝暉堂亦東向聯曰十二靈文  
傳寶炬三千淨土蔭慈雲其南室扁曰三友軒

御製題三友軒詩

丁卯

三友之名始宣尼直諒多

間益德資香山取譬琴書酒放達繫非余所師獨  
有玉局稱正見直號植物松竹梅名稱義元隱未  
發我將觸類引伸之蒼松自具直之性梅傳春信  
諒也宜擬金夏玉時多間妙喻舍竹其復誰奚待  
結契霜雪裏天然同德聲應隨寓意於物有奇遇  
名績歷歷琳瑯披十八公的雲西筆海粟長賦留  
雄詞定論君子林三字國子博士小篆題更愛梅

事合元宋小清秘物傳今斯揀金集孤有如是自  
天合也非人為嘗鼎一臠足味道況斟雉膏道可  
知篋藏書室識寶重窻外延客霜具眉千株一穗  
嗣左右是一是二誰然疑因蘓邈孔志未逮高山  
景物深長思

御製三友軒詩

庚辰

妙蹟緣收益友三名軒聊復

助佳談詎惟笈裏古香挹更愛窻前生意含觸目  
無非遠塵俗會心皆可入研覃幾餘適足供清賞

廣廈千間憶輒慙 凝暉堂之前為 延春閣北  
與 敬勝齋相對閣內南面扁曰惠如春聯曰  
瑤階鶴繞三株樹玉宇鸞鳴九子鈴又聯曰玉  
砌風清五色祥光連棟宇銅籤晝靜四時佳氣  
集蓬壺東室門上扁曰清華西室門上扁曰朗  
潤東次室聯曰四序調和懷育物萬幾清暇愛攤  
書東面室內扁曰潔素履聯曰山水之間發清  
響古今以上多同人右室聯曰拂檻露濃晴樹

濕卷簾風細落花香西面扁曰靜觀自得聯曰  
閒為水竹雲山主靜得風花雪月權又曰燕賀  
鶯遷樂意相關禽對語蘭芽桂蕊生香不斷樹  
交花左室扁曰芝田右室扁曰蘭畹二層樓上  
扁曰澄懷神自適聯三一曰吟情遠寄青瑤嶂  
悟境微參寶篆香一曰春靄簾櫳氣氤觀物妙  
香浮几案瀟灑暢天和一曰綠水亭前羅帶繞  
碧山窗外盡屏開最上樓扁曰俯暢羣生

御製延春閣對雪詩

壬戌

天衣黻黻羃寒原詰旦

瓊霏集瓦鴛望去玉龍猶天矯舞來銀鳳正聯騫  
含毫裁句端溪潤引火烹茶古鼎溫卜麥樂餘憂  
更繼誰家茅屋凍鷗蹲

御製雪後登延春閣眺望詩

癸酉

瑞霏既委積祥

曦亦曛曠素雲扶柏枝芳飈遞梅叢新正清暇餘  
延閣深禁中載豁即景目兼舒體物胸皇都千萬  
戶珠樓十二重撫此金甌固益切玉燭融北斗揖

璇杓西山展畫峯和氣鬯萌陽吾將事祈農延  
春閣之西門上石刻

御筆南向者曰含象北向者曰懷芳閣前疊石為山  
洞磴道幽邃曲折間以古木叢莖饒有林嵐佳  
致山上結亭曰積翠山左右有奇石西曰飛來  
東曰玉玲瓏山之西穿石洞而南洞鐫

御筆曰鷲峯南有靜室東向扁曰玉壺冰又扁曰鑑  
古聯曰湘管攜新會芸編發古香折而南有聯



曰地學蓬壺心自遠身依泉石興偏幽又曰奇  
石盡含千古秀好花長占四時春其上有樓供  
大士像聯曰智珠不斷恒河界明鏡長懸兜率  
邊又曰流水如有意高雲共此心

御製賦得玉壺冰詩

戊寅

玉壺惜惜嘉夜長華燈

蘭燄冰為光箕風畢雨此清暇潑墨搗毫復靜忙  
申申緩箭渴烏水銅瓶芳遞梅花蕊輕裘溫室不  
知寒無易由言吾過矣

月華門之西相對者為遵義門門西向南者為養心門中為

養心殿

皇上宵旰寢興之所也凡辦理庶政召對引見一如

乾清宮殿內

世宗憲皇帝御筆扁曰中正仁和

寶座屏上

御筆聯曰保泰常欽若調元益懋哉東暖閣內

御書

皇祖聖祖仁皇帝聖訓曰天下之治亂休咎皆係於人  
主之一身一心政令之設必當遠慮深謀以防後悔  
周詳籌度計及久長不可為近名邀利之舉不可用  
一己偏執之見採羣言以廣益合衆志以成城始為  
無偏無黨之道孝者百行之原不孝之人斷不可用  
義者萬事之本不義之事必不可為孝以立身義以  
制事無是二者雖君臣父子不能保也

皇考世宗憲皇帝聖訓曰敬

天法

祖勤政親賢愛民擇吏除暴安良勿過寬柔勿過嚴猛  
同氣至親實為一體誠心友愛休戚相關時聞正言  
日行正事勿為小人所誘勿為邪說所惑

祖宗所遺之宗室宜親國家所用之賢良宜保自然和  
氣致祥綿

宗社萬年之慶 閣下聯曰憂其所可恃懼其所可矜

後室門上扁曰寄所托聯曰汲古得修綆守道  
無異營又曰書圃禮園無數好甌香研靜有餘  
清東室為

寢宮西室扁曰隨安室聯曰無不可過去之事有自  
然相知之人東南室扁曰明窓

御製明窓詩

癸亥

冬日誠哀日三餘樂歲餘晏溫

浮碧網遲麗度朱疏把卷忘言處含毫得句初太  
康古有戒俯仰惜居諸

御製明憲詩

丙寅

徙倚明憲下溫暾朱鳥光寄閒

忘景急致遠覺時長裝火檀烹鼎扶盆橘染湘玩  
辭屈來復安靜養微陽

御製明憲詩

戊辰

冬日故可愛況在明憲間網軒

靜微風蠕牖散嫩暄歲功驗玉燭時序窺銅渾三  
餘于焉適萬幾聊以閒陡憶蜀西軍遐心數往還

西暖閣

世宗憲皇帝御製扁曰勤政親賢又聯曰惟以一人治

天下豈為天下奉一人

御製養心殿銘 人心惟危在閑其邪道心惟微在  
培其芽其閑其培皆所為養操亡舍亡毋須臾放  
有如時雨沃此寸田大公順應動直靜專動匪憧  
憧靜匪寂寂矧其為君更宜乾惕一念之善百禩  
蒙庥一念之惡萬姓貽憂養之之方存誠主敬克  
已復禮外王內聖孰本孰末外由內施任重道遠  
責萃君師朶殿崇崇顧名思義作此銘辭永訓

後世

御製養心殿四箴 我

皇考聖訓曰敬

天法

祖勤政親賢事止四端義該萬理自古帝王莫不守此  
以治違此以亂予小子踐阼以來平旦莊誦惟日  
孜孜畏與年長會隨時觸爰集經書成句衍義綴  
辭各得十六韻入目警心既因自勵亦以昭示來



茲皇矣

上帝

詩

鑒觀四方

詩

昭假于下

詩

赫赫明明

詩

惟聖時

憲

書

永

天而時行

易

終日乾乾夕惕若

易

無怠無荒

書

畏

天之威

詩

勅

天之命

書

不顯亦臨

詩

俾爾彌爾性

詩

惟予一人

書

曷

其奈何弗敬

書

敬勝怠者吉義勝欲者從

國語

日

日新又日新

禮記

清明在躬

禮記

無然畔援無然

欣羨詩

昭升于上

書

在止於至善

禮記先

天而

天弗違後

天而奉

天時

易

我不敢知

書

我其夙夜

詩

念茲在茲

書

怵惕惟

厲

書

安而不忘危

易

於緝熙

詩

永言配命

詩

弼我

丕丕基

書

右敬

天箴

明明我

祖

書

既受

帝祉詩

我來自東

詩

永清四海

書

之綱之紀

詩

惟民所

止

禮記

無忝

皇祖

詩

奉

先思

書

作樂崇德

易

肅肅在廟

詩

春禘秋嘗

禮記

思

其所樂

禮記

聖有明訓

書

如日月之照臨

書

式如玉式如金

左傳

布

在方策

禮記

罔有不欽

書

峻命不易

詩

遺大投艱

於朕身

書

如親聽命

禮記

罔不惟德之勤

書

曰仁

與義

易

迭用柔剛

易

一張一弛

禮記

不愆不忘詩

民可近不可下

書

無教逸欲有邦書夙興夜寐詩

其爾典常

書

啟佑我後人

書

俾爾熾而昌詩

右

法

祖歲

天行健

易

聖人則之

易

克綏厥猷惟后

書

一日二日萬

幾

書

罔遊于逸

書

庶績咸熙

書

曰予一人

禮記

昧

爽丕顯

左傳

與公卿大夫共飭國典

禮記

考禮正

刑一德

禮記

無敢不善

書

夙夜匪懈

詩

敷政優優

詩惟幾惟康書斯謀斯猷書執事有恪詩亦又何

求詩百工熙哉書我獨不敢休詩綱紀四方詩惟

皇作極書先之勞之論語不遑暇食書念之哉書

業廣惟勤書勤則不匱左傳時乃日新書承

天之道禮記純亦不已禮記政貴有恒書慎終于始書

右勤政箴

粵若稽古書明四目達四聰書論

道經邦書謂之三公周禮三事大夫詩百辟卿士

詩宣力四方書以佐天子詩惟后非賢不乂書其

惟吉士書寤寐求之詩任賢勿貳書靖共爾位詩

期予于治書自朝至於日中昃書晝日三接易若

涉淵水書用汝作舟楫書臣哉隣哉書尚克相予

書予其敷心腹腎腸書出入自爾師虞書假以溢

我詩我應受之詩用勸相我國家書邇可遠在茲

書人亦有言詩惟治亂在庶官書所寶惟賢書惟

一德一心書欲至於萬年書右親賢箴

御製養心殿古幹梅詩已未為報陽和到九重一

枝紅綻暗香濃亞盆漫應辭東嶠作友何須請老  
松鼻觀參來諳斷續心機忘處對春容林椿妙筆  
林逋句却喜今朝次第逢

御製養心殿杏花詩

辛酉

託根依玉砌綻蕊臨珠

殿卻羞欺雪梅小試宜春面案香風度簾晝靜霞  
明扇方塵蔀屋憂未擬華林宴

御製仲冬養心殿詩

壬戌

積素凝鴛瓦更籤遲漏

銅華榱橫蜺紫藻井倒茄紅几淨詩情逗窓明梅

意融南飛金翼候欽若凜淵衷

御製養心殿對雪詩

壬戌

密雪灑遙天同雲棟宇

連宮梅重滲玉殿柳先裝綿節卜春和近恩叨

帝澤宣隴畦凝思處綠麥正芊芊

御製仲春養心殿詩

癸亥

焚燎煥神煦春信歸候

桃詠蕩雙闕開盎盎昞神臯平秩厘予懷與物會  
甄陶身居九重上心為天下勞

御製養心殿杏花疊前韻詩

甲子

吉亥將耕藉齋



居臨朶殿映軒芳樹嘉復覩春風面難尋吟思邈  
依舊陽和扇望澤方憂農遑適清閒晏

御製養心殿杏花詩

乙丑

清曉光風拂玉墀絳雲

香雪映牕枝無端春暮相看際正是年來共賞時  
脉脉難傳徒畫筆盈盈不盡是芳思榮枯悟得皆  
常住誰藉傳真谷與熙

御製養心殿碧桃樹詩

乙丑

芳姿拈咏感無端露

井依依艷未殘九十韶華都過也尚攜春色待人

看 豈是春光為少留  
新愁舊恨記從頭  
由來仙樹元都種  
不落詩人淚不休

御製養心殿杏花詩

丁卯

昨夜女夷剪絳紗  
網軒

新對一枝斜  
因思杜牧風流句  
又見清明時節花  
戲蝶不妨供點綴  
流鶯未許恣周遮  
色香紛處堪清悟  
石鼎烹雲沃道芽

御製季秋養心殿詩

丁卯

閱武揚鑾返北庭  
軒宮

疇政驗辰星  
有秋歷覽登三輔  
肝食惟期協九經

溫樹延年餘翠影寒花正色發幽馨災黎陡憶吳  
淞郡廣殿高居敢自寧

御製新春養心殿詩

甲戌

蒼龍轉玉斗紫禁闔青

陽金庀萸葉舒綺殿梅英芳奉時欽體仁祈歲顯  
屢祥開年百務簡惕夕一心強好惡戒已私詩書  
挹古香疇咨竚有翼勅命勵無疆

御製養心殿對雨誌懷詩

己卯

適纔郊外來悉心

閱農務高下總迴青刺土青秧佈下濕實潤隰高

原耕不誤及觀太液池涸澤仍如故因思再雨佳  
傍晚霏甘霽雞樹枝生烟鴛瓦溜垂霏玉溝流不  
及鈎砌積水聚此雨誠酣暢圃渠定灌注清苑應  
普霑潞河通舟路交易噬嗑資剗木涉川輸民惟  
赴時勤我以大公付絕勝補偏為功倍

天恩遇

御製新正養心殿詩

庚辰

西師歸振旅東陸舒山

庚執徐奉執主持躬凜持盈三白兆宿歲萬幾簡

新正間中足養心而予有所怍懷安豈良圖無逸  
斯元亨自強勵不息善長自偕行

御製養心殿齋居雨後作

庚辰

雨過河源爽氣鮮

炎風不到黻屏邊咄哉無易由言爾可忘周書廿

七篇

御製養心殿晚坐詩

庚辰

園亭多水木自是氣清

涼宮禁翡翠瓦五雉圍紅牆夏候所弗宜暖氣蒸  
炎陽朝儀詎可闕適已寧云臧茲來乃迴別竟日

爽風颺立秋遲三日律先報白藏晨從郊外來多  
稼雲將黃既欣望歲稔且免籌邊章九州奏書連  
云時若雨暘諸凡皆順吉惟是敬不遑

御製養心殿晚坐詩

辛巳

園林夏氣清空庭市烟

近視朝不可闕暑節彤闈返雨露弗覺炎涼颺鷄  
樹晚此時雖幾間農務籌邇遠大抵麥收佳禾黍  
苗芄莢但祈時暘若可冀西成允誰為無望人望  
歲吾尤緊其西室扁曰三希堂聯曰懷抱觀古

今深心託毫素

御製三希堂記 內府秘笈王羲之快雪帖王獻之  
中秋帖近又得王珣伯遠帖皆希世之珍也因就  
養心殿溫室易其名曰三希堂以藏之夫人生千  
載之下而考古論世於千載之上嘉言善行之觸  
於目而會於心者未嘗不慨然增慕思與其人揖  
讓進退於其間羲之清風峻節故足尚即獻之亦  
右軍之令子也而王珣史稱其整頓振靡以庶恥

自許彼三人者同族同時為江左風流冠冕今其  
墨蹟經數千百年治亂興衰存亡離合之餘適然  
會萃於一堂雖豐城之劍合浦之珠無以踰此子  
墨有靈能不暢然蹈忤而愉快也耶然吾之以三  
希名堂者亦非僅為藏帖也昔聞之蔡先生名其  
堂曰二希其言曰士希賢賢希聖聖希天或者謂  
予不敢希天予之意非若是也常慕希文希元之  
為人故曰二希余嘗為之記矣但先生所云非不



敢希天之意則引而未發余惟周子所云固一貫之道夫人之所當勉者也若必士且希賢既賢而後希聖已聖而後希天則是教人自畫終無可至聖賢之時也孟子曰盡其心者知其性也知其性則知天矣人人有盡心知性之責則人人有希聖希天之道此或先生所云非不敢希天之意乎希文希元而命之曰二希古人託興名物以誌弗忘之意也則吾今日之名此堂謂之為希賢希聖希

天之意可慕聞之先生之二希而欲希聞之之希  
亦可即謂之王氏之帖誠三希也亦可若夫王氏  
之書法吾又何能贊一辭哉 閤後夾道門扁曰  
自強不息北接後軒三楹東為 無倦齋為

長春書屋聯曰閒尋綺思千花麗靜想高峯六  
義清內室聯曰景深孚甲含胎際春在人心物  
性間又聯曰麗日和風春淡蕩花香鳥語物昭  
蘇 養心殿後為穿堂堂屏門東西各有扁曰

雲流曰風振俱南向向北扁曰蘭祀舍春二層  
殿上北向扁曰與物皆春聯曰心天之心而宵  
衣盱食樂民之樂以和性怡情東暖閣門扁曰  
樂天閣內室門聯曰仲尼不為己甚者惟帝若  
是其難之門內扁曰攸宇齋聯曰情將物外適  
道與古人期 養心殿之前為

御膳房扁曰膳房

聖祖仁皇帝御筆也

景運門之東相對為肅誠門入門南向為

奉先殿

世祖章皇帝以

太廟時享孝思未申命稽往制建立

奉先殿順治十四年告成前殿七楹後殿如之凡

朔望薦新歲時展禮又冊封諸大典禮先期

告祭俱內務府掌儀司領其事殿東為夾道即

蒼震門前直街也街東為

寧壽宮宮正殿二重為 寧壽門列金獅二門內  
東為 凝祺門西為 昌澤門再西為 履順  
門門外即夾道直街也

聖祖仁皇帝御製寧壽宮頌 天開壽域地會瑤池南  
極添算北辰降慈螽斯衍慶白鶴來儀躬勞著訓福  
祉永綏恭獻長壽敬託腐詞 寧壽宮之後為

景福宮前為 景福門門內正殿二重前殿

御筆扁曰芳徽純嘏 東暖閣扁曰彤闥鶴算 西

暖閣聯曰寶婺騰輝錦雲呈五色璇庭絢綵珠  
樹發三花宮西有花園門榜曰衍祺門又西  
為蹈和門門外即夾道直街也

聖祖仁皇帝御製景福宮頌

慈顏懿教祇奉銘箴福祉靈壽遐齡喜深松筠玉樹繞  
砌清音淑德純嘏萱枝茂林揮毫敬頌永日葵心

景福宮之後為兆祥所今為

皇子所居西為花園又西即神武門也

隆宗門之西為

慈寧宮順治十年建東為永康左門西為永康右

門正中南向為慈寧門前列金獅二門內

正殿

御筆扁曰寶籙駢禧又扁曰慶隆尊養聯曰愛日舒  
長蘭殿春暉凝綵仗慈雲環蔭萱庭佳氣接蓬

山後殿供奉佛像

聖祖仁皇帝扁曰萬壽無疆

御筆聯曰百年尼現莊嚴寶相三千蒼葛聞清淨  
妙香又聯曰人天功德三摩地龍象威神兩足  
尊 前殿東廡南有佛堂

聖祖仁皇帝御筆扁曰四星容華宮左殿宇二層東有  
門曰 慈祥門與 啓祥門遙對 慈寧門之  
南為 長信門凡大朝賀門前陳設

皇太后儀駕文武二品以上大臣俱於門外隨班行禮  
南為 永安門其左為 迎禧門右為 覽勝



門右門之內即花園也園中為 咸若館東北  
為 端化門上有樓樓之南有室扁曰含清暉  
咸若館前有池池上為 臨溪亭東為 翠  
芳亭西南為 綠雲亭

聖祖仁皇帝御製慈寧宮問

太皇太后安詩 定省深宮曙氣催承恩獻壽捧霞杯  
晨昏敬睹

慈顏豫不盡歡欣踴躍迴

聖祖仁皇帝御製元旦慈寧宮行禮詩 太族初分來  
萬國融融淑景動青陽瞳矐翠葢祥雲覆縹緲蘭宮  
瑞氣揚節遇三元開寶厯時逢四始奉霞觴山呼拜  
舞臣民樂願祝千年正未央

聖祖仁皇帝御製夏日同三王慈寧宮問

太皇太后安詩 九天旭日照銅龍朝罷從容問

上宮花萼聯翩方晝永晨昏常與問安同

御製詣慈寧宮問

皇太后安詩 已未

親詣慈寧問

起居矐矐曙色曉光舒承歡祇領

徽音訓歸路思維樂有餘

御製冬至慈寧宮行禮詩 已未

和風習習滿簾櫳

慈壽無疆祝華嵩不獨宮闈增喜氣光天孝養萬方同

拜舞瑤階日影移南山為壽獻新詩

宮中堯舜垂裳處正是初陽乍復時

御製冬至次日慈寧宮行禮詩 庚申

霜薄觚稜旭

影浮彤墀拜舞動旗旂初陽暖律迴葭管亞歲祥  
光遶鳳樓萬國歡心同孝養六宮

壺教霑恩流年年最喜稱觴日常近增添海屋籌慈

寧宮之西為壽康門內為

壽康宮恭奉

皇太后頤攝起居之地也

御筆扁曰慈壽凝禧聯曰玉琯應陽春祥開南極璇  
宮呈麗景慶洽西池中殿聯曰慶叶瑤圖融

和開壽域祥呈閨苑熙皞樂康衢 東暖閣聯  
曰福集璇圖天永錫祥開綺甲日重光又聯曰  
光華呈愛日仁壽遍和風 後殿聯曰鳳集桐  
花來絳闕鶴銜桃實是丹山西室聯曰金盤露  
滿瑤華麗丹粟凝祥鶴算綿又聯曰歡心依日  
永樂志願春和皆

御書 壽康宮之後 咸安宮舊趾也乾隆辛未為  
皇太后六十萬壽恭建

壽安宮祝

釐閱辛巳恭逢

聖母七旬大慶復重葺增新稱

觴申祝於此宮門

御筆榜曰壽安門入門為春禧殿殿北為

壽安宮正殿扁二一曰長樂春暉一曰瑤樞純嘏

聯三一曰百福屏開慶叶九如宏壽域五雲景

麗恩敷萬象入春臺一曰壽國樂舒長韶成九

奏安興承悅豫舞效三呼一曰香辰引祥風序  
符清宴仙壺承愛日景叶升恒東暖閣扁曰  
景暉曰熙春聯曰紅梅翠竹天然畫妙理清機  
不盡吟又曰松牖樂春熙既安且吉蘭陔宜畫  
永曰壽而昌東樓下扁曰集慶曰宣豫聯曰芝  
棟雲霞麗蘭陔日月長又曰宜春苑滿恒春樹  
介壽筵開益壽花西暖閣聯曰慶霄暉壽曜  
仙圃麗春光又曰鈞庭延淑景璇祀藹祥風西

樓下聯曰靜裏遠懷千古事意中常滿十分春  
殿前左右延樓迴抱相屬中庭有崇臺三層上  
層扁曰慶霄韶濩聯曰鳳翥輝呈阿閣瑞珠聯  
景繪泰階符中層扁曰曾城廣樂聯曰圖壽遞  
演京垓積律呂環生上下和下層扁曰崑閭恒  
春聯曰鳴豫叶雲韶頌集九如開壽域祝釐陳  
綵舞歡聯萬象譜春臺殿後庭中疊石為山植  
竹其間左右各有室三楹東曰福宜齋齋內



聯曰西池增寶錄南極耀珠躔西曰 萱壽堂

聯曰寶篆長生錄瑶屏集瑞圖

御製壽安宮銘 辛未題額匪創伊修

慈寧六秩行慶延麻

愛日循環干甲載週金穰辛建物盛已述

七袞爰開

萬壽惟悠合天下養與太古謀瓊宮枚枚有栴有旂蘭  
咳叶什梅席稱觥鴻儀重舉以十為籌則百斯十

始而復周 慈寧宮之東北即 啓祥門外夾道  
也其北南向為 凝華門門內為 雨華閣閣  
三層覆以金瓦俱供奉西天梵像上層

御筆榜曰雨華閣中層扁曰普明圓覺聯曰青蓮法  
界普清淨白毫相光離色空又聯曰三身具足  
根塵外萬法齊歸願海中下層閣內聯曰具神  
通力生歡喜心又聯曰善果皆歡喜香雲普吉  
祥又聯曰靈鷲風香傳妙偈澄潭月皎印真如

下層扁曰智珠心印聯曰花布妙香霏四種金  
塗傑閣現諸天又聯曰般若慈源遠通華海  
菩提覺路妙轉法輪圓又聯曰妙果圓成華海  
同歸無盡藏靈因靜證珠宮常雨四時花又聯  
曰寶界現莊嚴雲凝華鬘香臺開般若雨散曼  
陀閣後為昭福門門內為寶華殿殿後為  
香雲亭其北為正中殿扁曰然無盡燈聯  
曰妙諦六如超衆有善根三藐福羣生皆

御筆也 壽安宮之北為 英華門門內為 英華

殿亦供奉佛像之所庭中有菩提樹七株

御製英華殿菩提樹詩

壬戌

何年畢鉢羅植茲清

虛境徑尋有旁枝蟠拏芝幢影翩翩集佳鳥團團  
覆金井靈根天所遺嘉蔭越以靜我聞菩提種物  
物皆具領此樹獨擅名無乃非平等舉一堪例諸  
樹以無知省

御製英華殿菩提樹歌

辛巳

我聞法華調御丈夫

成道處乃於伽耶城中菩提樹又聞華嚴海會諸  
如來一佛一樹乃至恒河數一亦非合恒河數非  
離是佛是樹皆菩提娑羅貝多閻扶誰則見惟有  
菩提之樹鬱葱蔚郁常依佛日生光輝英華之殿  
聳層薨勝國莫考國初曾以居

慈寧

思齋太任篤奉佛爰供法象延禧篤佑貽雲仍時來瞻  
禮意肅穆裝嚴寶軸相好合梵經或云即是北斗

之七星貝帙一一可徵菩提七樹森列庭是誠  
不可思議標祥禎枝枝葉葉數無萬如斯無萬數  
繩繩繼繼永世綿皇清

御製英華殿菩提子數珠詩

辛巳

七樹恒沙結子

多數珠拈百八云何欲因悠久卜皇祚詎是尋常  
佞佛陀顆顆圓融開意蓋纍纍聯綴振祥柯蓮池  
淨業吾無暇靜置如聞鳴法螺 英華殿之西北  
有城隍廟雍正四年建其祀典亦掌儀所司也

廟東為祀馬神之所又東即神武門也

國朝宮史卷十三



欽定四庫全書

國朝宮史卷十四

宮殿四

景山

神武門之北過橋為

景山山之前為北上門門左右向北長廡各五十楹西為教習內務府子弟讀書處東門曰山左裏門西門曰山右裏門北上門內為景山

門內為綺望樓樓後即景山也山周二里  
餘有峰五中峯高十一丈六尺左右峯各高七  
丈一寸又次左右峯各高四丈五尺峯各有亭  
踞其巔中曰萬春左曰觀妙又左曰周賞右曰  
輯芳又右曰富覽俱乾隆十六年建山後為  
壽皇殿殿舊為室三居景山東北乾隆十四年

上命所司重建南臨景山中峰正中寶坊一前榜曰  
顯承無數後曰昭假惟馨左右寶坊二左之前

榜曰紹間祇適後曰繼序其皇右之前榜曰世德作求後曰舊典時式北為甌城門三門前石獅二門內戟門五楹大殿九室規制仿

太廟左右山殿三楹東西配殿五楹碑井亭各二  
厨 神庫各五既落成敬奉

聖祖仁皇帝

世宗憲皇帝御容

皇上歲時瞻禮於此並自體仁閣恭迎

太祖高皇帝

太宗文皇帝

世祖章皇帝暨

列后聖容敬謹尊藏殿內歲朝則展奉合祀肅將裸獻

以昭誠懇云

御製壽皇殿碑文 予小子既敬循壽皇殿之例建

安佑宮於圓明園以奉

皇祖

皇考神御重垣廣墀戟門九室規模略備而歲時朔望  
來禮壽皇聿瞻殿宇歲久丹雘弗煥且為室僅三  
較安佑翻遜巨麗予心歎焉蓋壽皇在景山東北  
本明季遊幸之地

皇祖常較射士於此我

皇考因以奉

神御初未擇山向之正偏合闕宮之法度也乃命奉宸  
發帑鳩工庀材中峯正午磚城戟門明堂九室一

仿

太廟而約之蓋安佑視壽皇之義壽皇視安佑之製於  
是宮中苑中皆有獻新追遠之地可以抒忱可以  
觀德傳不云乎歌於斯哭於斯則壽皇實近法宮  
律安佑為尤重若夫敬奉

神御之義則見於安佑宮碑記茲不複述惟述重建本  
意及興工始末歲月蓋經營於己巳孟春而落成  
於季冬上澣之吉日云敬作頌曰惟堯巍巍惟舜

重華

祖

考則之不競不紱仁漸義摩

祖

考式之弘

仁皇仁明

憲帝憲小子臧之是繼是繩曰明曰旦小子愬之天遊

雲徂春露秋霜予心惻之

考奉

祖御于是壽皇予仍即之製廣向正爰經爰營工勿亟  
之陟降依憑居歆攸寧羹牆得之佑我後嗣繇禩  
於萬匪萬億之觀德於茲無然畔援永欽識之

御製重修

壽皇殿竣是日奉安

神御禮成述事六韻

庚午

壽皇

聖祖興居久



先帝思

親展孝弘神御妥靈宋遺制衣冠原廟漢諸陵  
欽承有繼馨香薦追遠長懷陟降憑子午向山期必正  
規模合度量為增儉聞愾見千秋永景福鴻禧百世  
凝觀德皇皇惟是凜肯堂切切詎斯能

御製清明日拜謁

壽皇殿詩

戊寅

紫殿彤闈

神御憑清明肅拜典相仍羹牆有慕嗟何及堂構非遙

此敬承舊禮漫傳粳粥薦新烟還看柳絲凝那堪  
子厚書重展指日吾將謁

二陵 殿後東北曰 集慶閣西北曰 興慶閣殿東

為 永思門門內為 永思殿殿西暖閣

御筆聯曰一氣感通昭陟降萬年嗣服式儀型東暖  
閣樓上聯云視聽思無逸天心格有孚又東為

觀德殿

聖祖仁皇帝御筆扁曰正大光明聯曰琴韻聲清松窓

滴露依蟲響書帷夜永蘿壁含風動月華再東  
為護國忠義廟範闕帝立馬像

聖祖仁皇帝御筆扁曰忠義

西苑上

西苑在 西華門之西門三中榜曰 西苑門

御製仲春西苑即景詩 戊寅 鸞輅西華祭後移趨

臺更服便疇咨還餘清暇千官退竭對韶光一賞  
宜積素已消簷際雪輕黃欲上柳梢絲聽鴻樓上

看迴雁春色人間許共知

御製夏曉西苑詩

己卯

視罷朝儀換禮衣竭從西

苑攬清暉液池見有波披穀天宇時還雨點璣草  
木春機纔得復黍稷秋稔又將希略饒餘興觀魚  
樂害馬除看鷺遠飛入苑門即太液池也源出

玉泉山從德勝門水關達後湖流入禁池滙為  
巨池周廣數里夾岸多槐柳池中蒲藻交紛禽  
魚翔泳為仙洲勝地瀛臺在其南闡福寺

在其北 萬善殿 紫光閣東西對峙上跨長  
橋樹坊楔二東曰玉螭西曰金鰲橋北為北海  
橋南為中海 瀛臺南為南海中海有亭出水  
中

御書石碣曰太液秋風即燕山八景之一盛夏芟荷  
如錦冬月水澤腹堅則陳冰嬉於此循

國俗脩武事而習勞行賞之意寓焉

御製蜡日坐冰牀泛太液池誌興詩

樂善堂集

破臘風

光日日新曲池凝玉淨無塵不知待渡霜花冷暖  
坐冰牀過玉津太液人行步玉花金鰲遙望鎖  
煙霞勝遊不數瓊華島愛聽寒林噪暮鴉

御製太液池泛舟詩

壬戌

新水一篙深載舟猶力

弱偶來弄澄碧滄浪意可樂天空鳬雁閒波靜魴  
鯉躍是時春始半夾岸天桃灼旋惹東風吹紅英  
貼波落韶華固不牢長歌興所託

御製泛舟太液池作

癸亥

黛染林西數朶峰分明

倒浸玉芙蓉潤含曲岸深深翠漲過平橋暗暗淙  
幾隊仙儀排控鶴一泓蓬島泛游龍金堂十二非  
吾慕只有華胥欲問踪

御製太液池泛舟詩

甲子

春信今年早去年花朝

花事已堪憐漂桃留得三分色度柳分來幾縷烟  
鳥語向人偏絮聒天光蘸水越澄鮮素懷雅契虛  
舟樂任泊青蒲白芷邊

御製泛舟太液池作

乙丑

躍有潛魚飛有鳶輕舟

平渡綠楊烟薰馨花事誠何似荏苒春光亦已然  
適去古人不知幾盼來韶景又須憐玉壺澄澈無  
些滓卻契天親鏡喻禪

御製太液池泛舟詩

丙寅

菰蒲蕭瑟颭秋烟玉竦

橋邊偶放船俯數游鱗圓沼澈仰觀迴雁朔風傳  
劇憐西昊清涼候勝讀南華十七篇物物義經真  
易簡天機豈待悟魚鳶

御製太液池泛舟詩

丁卯

玉竦橋頭駐六驄溶溶



太液一舟通苑花隄柳添烟景弱葦新蒲茁露叢  
烟中樓閣座中移雨後風光慰後思憂慮勾消  
詩數首清和恰似昨年時 潏沆澄波疊翠涵天  
光雲影適來參獨春依葦毯毯白遠嶂疎眉淡淡  
嵐 樹沃濃青花發紅疇人占節報南風一般西  
望經行處卻與前朝迥不同

御製初春太液池泛舟詩

戊辰

新波泛潏漾晴烟

上苑韶光穉可憐幾幘屏山全入鏡一篙春水恰

勝船乍見輕黃上柳絲  
春來幾度棹移時  
繪之詩句渾如畫  
迴雁高飛太液池  
凍解神池泛綠漪  
湖光山色發華滋  
蒸霞結綺無須盼  
好是含苞未放時

御製雨中太液池泛舟詩

己巳

太液新蒲拂畫船

兩行水樹卷朝烟  
浥枝潤葉知時雨  
列坐流觴上巳天  
鳥奏繁音爭管急  
魚鳴錦浪蹙紋圓  
前朝豐澤親耕罷  
卻喜甘膏渥弄田

御製太液池泛舟詩

癸酉

翠壘停柳岸遊龍盪蘭

渚岸芳已薦繇渚禽亦容與作監念水舟對時思  
相輔御橋蟠螭橫圓殿松杉古飛雨忽焚絲溟濛  
迷處所

御製太液泛舟詩

甲戌

宿雨初收曉露溥微風水

面送輕寒新荷纔點田田葉激石微添細細湍團  
殿平臨紫虛表趯臺南指綠雲端泊舟底識添遊  
興岸柳烟絲潤未乾

御製太液雨泛詩

甲戌

玉竦橋邊候綵舟橫流適

可命黃頭新蒲弱柳烟絲罨妙與方壺繪幻浮

菜花結子麥抽芒暢好烟畦潤露光誰識九天城

闕裏許多農景貌江鄉迎眸北島復南臺面面

珠簾未捲開今日清遊餘興在波光潋灩待晴

來

御製太液池泛舟詩

丁丑

朝晴夜雨果然宜淡池

紫霞泛液池底識甘膏南畝渥隄楊猶帶露珠垂

冬宜紫禁夏宜園還蹕因掄新狀元籲俊勅幾  
慰雨後趨臺薰景便中論

御製太液池泛舟詩

己卯

新漲輕黃酒似鵝蘭舟

太液漾晴和波間藻葉冰融展隄外楊絲日暖拖  
景美真如天上坐花遲詎擬霧中過棹謳不用黃  
頭發鳬雁皆能水調歌

御製太液池泛舟即事詩

庚辰

錫宴花門備禮容

乘閒蓬島泛游龍仍攜帕首俾同樂所喜葵心總

致恭春水生來蘭葉細霽烟低處柳條濃西瀛試  
問為何若道是奚如天上逢 半月韶光爾許殊  
冰消潏沔水平湖更逢雨霽祥暉候可喚仙遊碧  
海圖理趣鳶飛復魚躍生機白芷與青蒲對時懷  
遠胥和順益凜持盈奉化樞

御製賦得太液柳詩

壬申

人字低臨太液池栽培

誰辨永宣時居然後老同彭祖未覺先零傲悅之  
春景青瞳仍望望秋風綠髮故絲絲世間松栢翻

難並得地延年意可思

御製詠液池鳬雁詩

己卯

匪因慕稻梁亦弗慮矰

繳禽中大隱乎液池寄所託鰲翻鶴立岸垂涎鳬  
雁樂造物本無私於何殊厚薄烟波任翱翔何異  
衡湘若設為子路共三嗅應必作

御製戲題液池荷詩

己卯

池涵零星幾朶花那看

膏沃致光華因之有會昌黎語未得真源漫自誇

御製太液池觀荷詞

辛巳

宿雨初收太液池紅花

總是出塵姿巧逢鳴蹕旋清禁似向人言正好時  
蹟久泥深花最稠西池原在帝王州人間若復  
方君子應是八元八凱流香霞難想檀兮麝文  
錦何妨綠與紅卻恨春明真夢語獨教佳景讓秋  
風等閒未放擷芳船葉葉花花契靜緣讀遍三  
唐採蓮曲阿誰不是愛妖妍

御製太液冰嬉詩十二韻

丙寅

順時陳國俗擇地

試雄觀號令傳河若威儀紀水官光凝玄玉浦聲



咽碎珠灘散處雲馳宇紛來雪噴湍湍因智獨勝  
奚必力俱殫疾以徐斯疾安其危乃安御風列應  
讓逐日夸無難迅似巖飛電溫知犀辟寒超羣殊  
閃燿作勢更嬰珊擬議弦催箭形容鏡舞鸞一時  
誇奪幟獨步早登壇妙義韜鈴外憑人著眼看

御製冰嬉賦 陸行之疾者吾知其為馬水行之疾  
者吾知其為舟為魚雲行之疾者吾知其為鵬鵬  
鵬鵬至於冰則向之族莫不蹙蹙膠滯滑擦而莫

能施其技國俗有冰嬉者護膝以芾牢鞵以韋或  
底含雙齒使齧凌而人不踣焉或薦鐵如刀使踐  
冰而步逾疾焉較東坡志林所稱更為輕利便捷  
惜自古無賦者故為賦之其辭云 歲暮景窮和  
叔告冬陰凝北陸律中黃鍾景長而土圭可測瑞  
兆而雲物皆同撫序兮羣辟殷聘考時兮三農藏  
功有厲疾之征烏鮮求信之蟄蟲呌嚴飈兮栗烈  
凜肅氣兮穹窿於斯時也火井無燠溫泉不熱何

水不凝何波不結阻平川之會海徒望齋漆勒奔  
峽之傾流惟聞幽咽斯盈九曲謝神禹之別鬣凍  
合三山駐王喬之旌節躍魚之表孝曾傳覆鳥之  
昭祥見說則有鏡呈太液壁寫龍池占昏危之應  
宿值顓頊之司時泣而不流兮礙矜鱗之鯉凝而  
原澈兮踈倒影之梅皓皓皚皚兮映白塔之孤矗  
淅淅泠泠兮隔玉竦之橫歌載取載藏兮順彼月  
令以訓以賚兮陳我冰嬉爰答歲華率循舊典陳

旅集衆既雷動而風行結部整行埒春蒐而秋獮  
玄冥受律戢水族與波臣蚩尤秉旗乃暴禦而崇  
遣於是戎士憑怒武卒振拳渴思一試遑慮誰先  
齊搏搏其轆轤兮疇陸離以屬聯駭營營其必路  
兮紛傑儼以羅駢袒劉呂之左右兮各殊事以布  
班倏陰陽之閉闔兮期奏績以勤宣衣短後膝蔽  
前鞞齒雙利鞬刀兩儼編伍森列齊隊便旋於斯  
少息以待號令之傳焉爾其屯萬人於中堅兮屬

堪輿以壁壘奔八神以周衛兮招丁甲而發指亘  
長絙以節止兮羣總總而切儼驛綵旌以傳符兮  
看縱縱之立俟心無別營目不他視遂乃朱旂馳  
捷步騰緹衣揚輕武鬣聳擢布濩虺逐趨蹌丑  
波流遙軼姦驚閃如曳電疾若奔星蹂蹈雲衢揚  
揮玉京故其為聲也軒轅隱訇礮礮激越砢砢殷  
鞞雜沓震疊訇振天枹響甸地泉惛波底之娵隅  
墮林間之巢鵲玄武縮殼而屏氣燭龍守珠而閉

闕起涌泉會奔物雖天籟之號竅比千鈞於一髮  
其為狀也似東皇整駕於若木之墟羲帝弭節於  
扶桑之津應真挂錫以凌虛茅君驂龍以班天過  
驥羣而駿足搶捍上扶搖而鵬翼圖南蠖略迴翔  
演迤糾紛鏡大圓而晶晶晶珠萬琲而爛爛璘  
璘交差曼衍歷落皴鱗突都盧兮輕趨迅龍驤兮  
麟振奕六虬兮沛艾御八風兮穆收首進者卻視  
而小憩繼至者錯履而楚跟虞後來之比肩更前

往而擢身傑者得幟疇與比倫遺者失志第如逡  
巡復有革戲其名圓鞠漢家有執機之警黃帝作  
練戎之俗武由是習兮其爭也君子好謀而成兮  
如祭則受福申明誓兮衆聽無譁陳廣場兮各司  
其局乃其冰牀駐於琉璃之界豹尾扈於鸞鷟之  
隈千官儼立於懸圃萬隊佇待乎瑤階歷天之旗  
影捎朶殿昭雲之蓋光燿趨臺殆而容與愬若儼  
徊執事者中立而不倚爭捷者有前而無回珠毬

一擲虎旅紛來思摘月兮廣寒之窟齊趨星兮白榆  
之街未拂地兮上起忽從空兮下迴突神龍之變化  
挺翔鳳之鬚鬣鵲鷗燕居姆媯鴻猜怡情悅目有如  
是哉夫其伯仲分甲乙第併前行賞縱後亦逮勇者  
特旌任者均賜普被曰仁有差曰義則豈啻西苑飾  
紅板之柁溫泉設錦鞍之戲而已乎重曰仲尼有言  
射觀德兮安不忘危舊是式兮惟歲之晏以休以息  
兮一日之樂匪賚曷得兮敬告後人無或逾則兮



由西苑門循池東岸度板橋折而西臨池面  
北正門三楹榜曰德昌門左右朝房五楹門內  
正殿五楹亦北向

聖祖仁皇帝御筆扁曰勤政

御筆聯曰常切單心歸宥密每懷勅命凜幾康殿後  
面南 正門榜曰 仁曜門由 仁曜門而南  
渡橋為

瀛臺平堤石欄歷級而登有閣向北

聖祖仁皇帝御筆榜曰翔鸞閣閣廣七楹建相風金鳳  
於屋極左右延樓迴抱各十九楹閣後東西樓  
對聳閣道相通東曰神輝樓西曰瑞曜樓  
由閣而南為涵元門門內東向為慶雲殿  
西向為景星殿正中南向為涵元殿  
御筆扁曰天心月脅

御製冬日涵元殿詩

壬戌

挿架三千玉帙陳明窓

領略小陽春庭虛時聽松風古香靜還思梅萼新

階草向暄猶織毯  
波波知暖尚拖銀  
底綠未釋中心悶  
多少茅檐失所人

御製初冬夜涵元殿作

甲子

晚風息古樹淡日歸

西嶺重簾下虛堂良夜侵  
尋永香篆爇斜烟燈花落  
餘影棲松鶴彈梵驚漏烏啼冷一卷盡我書半箭適茲靜

御製冬至後一日涵元殿作

甲子

墨沼芒編几席

清雲為棟宇玉為京陽回線晷依然永影到花櫺

分外明瀑瀉冰光欺雪素梅知春意放寒英端居  
不為敲詩苦無限徘徊省歲情

御製冬夜涵元殿詩

戊辰

下春落金翼暮靄散曛

黃溫樹穩棲鴉水疏含夜光雪後景氣清壺中松  
竹蒼朶殿迴天半猊鑪避朔涼玉琴靜徽軫斐几  
堆縹緗居櫓聊自得晝短欣夜長三復蟋蟀詩好  
樂期無荒 東室

御筆扁曰含經味道聯曰四面波光動襟袖三山烟

靄護壺洲又曰風篁叶韶漢雲樹靄蓬壺殿之

東為藻韻樓西為綺思樓正北相對為

### 香宸殿

御製香宸殿詩

已外

環瀛南面據崇基建置猶傳

勝國貽金界樓臺思訓畫碧城鸞鶴義山詩茁庭  
祇合三珠樹漾牖宛同百子池未及澄懷淳樸也  
每因閱古率評時香宸殿之東有室三楹北向  
扁曰溪光樹色睽曰圖畫參生動詩書閱古芳

北接三楹西向扁曰虛舟聯曰閒雲入窓牖清  
露滴梧桐又曰心澹水木秀興幽魚鳥閒又曰  
鑪香晝靜芸編展花海春深竹檻清

御製賦得虛舟詩

戊寅

芸齋臨太液芝榜署虛舟

趣味南華永蹟惟勝國留灑然閱今古曠若忘沉  
浮秋月當牕印春波拍岸柔幾曾慮風浪無礙侶  
鳬鷗我有濟川意還殷作楫求 香宸殿之西有  
室三楹北向扁曰水一方

御製賦得水一方詩

戊寅

趵臺三面水書室敞南

榮亭接迎薰近池臨太液清畫如展李趙境即是  
蓬瀛三復蒹葭什懷賢獨泥清 北接東向者三

楹扁曰蘭室聯曰亭臺涵月鏡花木暢天機又  
曰過眼寸陰求日益闕心萬姓祝年豐 香宸  
殿後南向崇基臨下即趵臺陂舊址

御筆扁曰瀛臺左右有樓拱峙東為春明樓西為湛  
虛樓中庭有木變石一株

御製瀛臺觀木變石詩

辛酉

異質傳何代天然挺

一峰誰知三徑石本是六朝松苔點猶疑葉雲生  
欲化龍當年吟賞處借爾撫遐蹤

御製瀛臺木變石歌效李長吉體

辛酉

大山穹谷

崇且盤山頭鶴駐曾棲仙岑巒嶇崿扶孱顏金堂  
玉室相鈎連雲興霞蔚吐紫烟含囊靈瑞如陶甄  
靈林冥冥冠其巔其幽叢雜多桂蘭是為天宇宅  
天男乃有異木鎮厚坤蛭菰杜松非其倫蔽虧天



日無朝昏為舟十數昏其孫匠石卻顧持斧奔水  
龍噴泉沃厥根啼蛄弔月星漏痕干雲負霜枝曲  
卷靈鶴振翅毛羽鮮老桂漫誇吳質眠白榆空足  
沈郎錢櫛櫛銀雲卓蓋翩挂以雙丸繞魄淵壽比  
散木已有年女夷不敢司厥權付之圓蓋全其天  
支離幻作秦女馬會觀木石茲同壇為髮為身一  
體全亭亭傑豎無比肩暖春生玉疑藍田磷磷爛  
爛出五源女媧煉石茲尚存傍林挿巖絕攀援奇

礪詎妨山溜穿五丁不可奪其堅端州石工安足  
論移來曾受海神鞭五車能上東馬牽都下傾城  
咸厭觀方壺蓬島資盤桓辭山不戀山木繁瓊臺  
璿室何九九杲愚風叫露掌寒漢唐池館今依然  
為薪非火悟火傳

御製題瀛臺木變石六韻

庚辰

香泉前墀嶮稜稜

勝國留莫稽來所自難悟是何由風雨長林裏荆  
凡大海陬精華有獨得氣味本相投寧介榮枯意

還辭斤斧修春明如續錄文獻此堪求 又南臨

水為 迎薰亭扁曰對時育物

聖祖仁皇帝御製夏日迎薰亭詩 苑啟迎初夏亭陰

午未闌雨過池藻碧日綻海榴丹水木含清景禽魚  
得靜觀薰風能解愠試取玉琴彈 自 翔鸞閣至

迎薰亭統名 瀛臺三面臨水園置奇石雜

植花樹層巖幽壑委曲曼迴蓼渚蘆灣參差掩

映其南即南海也

御製瀛臺記

入西苑門有巨池相傳曰太液循東岸南行折而西過木橋邃宇五間為勤政殿自勤政殿南行石隄可數十步階而升有樓門向北扁曰瀛臺門內有殿五間為香宸殿殿南飛閣環拱自殿至閣如履平地忽緣梯而降方知為上下樓樓前有亭臨水曰迎薰亭東西奇石古木森列如屏自亭東行過石洞奇峰峭壁轆轤蒼蔚有天然山林之致蓋瀛臺惟北通一堤其三面皆臨太液

故自下視之宮室殿宇雜於山林之間如圖畫所謂海中蓬萊者名曰瀛臺豈其意乎

聖祖仁皇帝御製瀛臺偶作 蟬鳴槐葉綠魚躍芰荷風太液臨斜景參差更不同

聖祖仁皇帝御製瀛臺詩 紅闌橋轉白蘋灣疊石參差積翠間畫舸分流簾下水秋花倒影鏡中山風微瑤島歸雲近日落青霄舞鶴還乘興欲成蘭沼泳偶從幾務得餘閒

聖祖仁皇帝御製夏日瀛臺許奏事諸臣網魚攜歸詩  
西苑頗幽邃宗臺俯畿甸鮮雲蔭修廊南薰披廣  
殿水木既周遭卉物亦蔥蒨嵐光翠欲流林暉清可  
薦於茲滌煩暑敢曰恣游行眺遠暢陽和居高協靈  
撰朝來覽封事灑灑意忘倦高閣晝漏移彤墀集羣  
彥靖共往汝諧勤劬答予眷姑為池籞遊從容任所  
便投綸錦鬣飛舉手纖鱗見委蛇退食心庶幾娛式  
燕

聖祖仁皇帝御製瀛臺詩 歲序開炎節離宮繞翠微  
蓮香開講席柳色暝垂衣物阜風光好時清奏牘稀  
罷朝鵷鷺散花下珮聲歸

世宗憲皇帝御製瀛臺泛舟詩 春深遊上苑鼓柁盪  
中流波湧方壺島林開翡翠樓落花飄兩岸垂柳拂  
扁舟此日歡無極

君恩被特優 暮轉西池棹風微錦浪平蜻蜒閒自得  
鵝鵝遞和鳴舉網雙鱗獲停盃四韻成仙山何處訪

即此是蓬瀛

御製二月十三日恭侍

皇太后遊瀛臺紀事詩

己未

永康曉闌問

安迴鳳輦晨遊重侍陪  
搖曳晴光看御柳分明春色遍

宮梅西山翠映屏風列  
太液冰融鏡面開仰識

慈顏多悅豫熙熙萬物樂春臺

御製夏日題瀛臺詩

壬戌

文軒梧竹倍淒清  
座擁



琳瑯爽自生高處近天無暑氣人間此地是蓬瀛  
水涵銀海月為鏡苔點瑤階石作枰草木敷榮魚  
鳥適由來物物遂生成

御製雨中瀛臺泛舟詩

壬戌

雲為棟宇玉為田草

木懷新摠淨妍自是方蓬難得到卻教仙漢破輕  
烟

御製秋日瀛臺詩

壬戌

嵐光波影闌新晴樓觀圖

雲鏡裏明八月桂風天半馥西山曉翠座中橫苔

紋點砌排碁局霞縷飛空曳綵旌更喜晶陽輝素  
宇詩情人意共秋清

御製冬日瀛臺即事詩

壬戌

禁城鷄樹曉烟凝

壑天然偶眺登積素墜枝全作雨懸流落澗半成  
冰丹樓翥鳳三洲外玉殿疏龍五色層淮浦災餘  
籌卒歲肯因清宴釋心憑 馭娑青驄踏玉華鏡  
中軒閣列仙家步來梅圃疑新畫坐久冰牀當小  
艇屈戌祥風浮篆細瑁璫晴靄入簾斜天心來復

誰知覺有腳陽春已動葭

御製臘日侍

皇太后遊瀛臺恭紀詩

壬戌

臘雪纔封釵玉除祥雲

羣捧

太安興眼前景物供吟筆鏡裏河山入綺疏  
梅蕊嫩還依日照柳條禿不倩風梳  
春暉煥景仙壺永至樂優游奉

起居

御製夏日瀛臺詩

癸亥

文塤綠縵軟莎茵鏡水屏

山盡遠塵風過橫塘筠是珮雨餘曲岸柳為人目

窮碧落興懷舊景豔朱明得句新猶憶丁年多暇

豫扁舟時泛藕花濱雲鎖林闌綠欲齊瀛洲一

逕步芝隄披餘芸帙香盈手坐久蘭烟篆吐猊畫

裏湖山空粉墨鏡中樓閣印玻瓈南薰茂對澄懷

永太液波涵萬象低

御製題瀛臺舊書舍詩

癸亥

精舍遙看池嶼連依

然書帶綠窻前那無逸興如今日剩有殘題憶昔  
年樹色溪光成靜賞花香鳥語絕塵緣旋臨勤政  
咨時務邳理遲登愧古賢

御製新秋瀛臺即景詩

癸亥

霽後林巒翠黛橫無

邊詩景座中生砌葩點綴丁星紫鏡浦周環淡沲  
清漫說梯山隣北極喜看白帝釀西成桑畦稻隴  
均堪賞寫出終年望歲情

御製瀛臺獨梧樹詩

癸亥

瀛臺獨梧樹凌雲勢方

上森森孫枝稠團團佳蔭廣吟風入靜思滴雨增  
幽賞鷓鴣不敢棲疑結九苞想撫摩綠玉質擅倚  
懷疇曩

御製冬日瀛臺詩

癸亥

方蓬何必隔塵喧雲擁紉

卿紫鳳垣傍圓珠懸新蕾笑垂崖玉溜凍澌痕陽  
迴晷綫依然永人靜風簾自解掀肯以羲娥資玩  
愒還將消息驗貞元

御製春日瀛臺即事詩

乙丑

雲釀疑蒸雨花遲似

駐春莫嫌時寂寞已覺景鮮新  
蝶相紅芳底鷗眠  
綠水濱舞雩曾點意憶昔一閒身  
佳節含韶富  
閒愁觸緒多也知春可樂常奈悶中過  
逐景聊復  
爾看花似若何維摩無說說身不著曼陀

御製初冬日瀛臺詩

乙丑

君雁迴靈沼卿雲擁

臺乾坤壺裏永樓閣鏡中開  
人字猶存柳珠粧欲  
試梅溫暝明牖暖幾暇一徘徊  
書室俯清潄芸  
編默會心三餘堪偃仰  
昔日此光陰波靜觀魚樂

枝空聽鳥吟依然濠濮想不必問泉林

御製春正幸瀛臺曲宴外藩詩

丙寅

朗壺璇霄霽

景靈春回別院柳將稊奉時南面酬東陸來賀西  
涼與北靦瑞擁綺霞凝紫蓋輝騰珠樹映丹梯一  
家中外康賓集湛露歌成更輯圭

御製正月十六日奉

皇太后瀛臺看烟火即景燈詞八首

丙寅

夜珠東望

正圓規南極祥光映座垂



王母瑤樽斟北斗由來西苑是西池  
鄒陽律裏氣初旋萬歲山前春欲然  
簇簇魚龍紛陸海離離瓊玖積銀田  
誰遣微雲點太清銀蟾為讓火蛾明  
上元此日有餘樂宣德當年奚比衡  
賢王列坐賜酥茶中外熙和久一家  
百道如虹朝貝闕萬條似箭走金蛇  
雲霞錦繡爆瀛臺花發何須殷七來  
百子池邊麟卓犖萬年枝上鳳毳毼  
玉螭金鰲亘夜光非烟馥郁裊風香  
殿前底事金蓮撤歸第

羣看相是張  
火裏開花幻豈真  
輪中轉法佛兮  
人乍從上苑觀  
梅柳葉葉枝枝  
有腳春  
瑞葉瓊  
花鏤上林東風  
又復作輕陰詩  
人漫道妒佳景  
農父多應比好霖

御製仲春瀛臺詩

丙寅

彌月遲臨幸林亭已載陽

冰溶開玉鏡  
鳥哢按銀簧  
莎阪輕添色  
梅叢漸怯  
香池邊人字柳  
放眼盼韶光  
欲向芳春問  
春從何處來  
貞而元復始  
生以息為胎  
水態細紋動  
山

容黛影開淑清枉渚畔上已待浮杯 勝地隨緣  
賞新詩即景敲看松無改色撫竹有含苞迴雁翔  
靈沼芻尼賀故巢輕雲將作雨屬念在青郊

御製初夏瀛臺詩

丙寅

趵臺新綠窄朱闌一雨林

塘頓改觀婪尾風光渾似畫鴨頭甲煎絕勝蘭

乳巢新燕護紋鳬萬物形形色殊識得義經真

易簡南風一曲想姚虞 凝黛天容誰為洗前塵

花氣却如蒸弄田尺澤霑豐澤念到皇畿喜倍增

年來憂喜更如何六幕均調自恧多膏壤迴蘓  
生意滿靈臺欣此對清和

御製仲秋瀛臺詩

丙寅

風光澄碧宇秋意入新詞

花木自為景山川亦識時紫烟浮曲榭白日颺遊  
絲鶴顧梳翎影魚吞在藻漪幾閒方適趣年有更  
勤思獨憶淮揚郡忤然心不怡

御製歲在丙寅序行金昊有秋叶慶景物咸和敬稽  
皇祖時曾舉瀛臺錫宴之典宗親咸與爰循舊制集王

公宗室等於八月二十七日瀛臺宴賞用展周親  
因成三律 露色烟光靄禁垣昌辰佳宴會親藩  
穀登萬寶真成瑞菊先重陽已泛樽拂檻龍蔥木  
有本拍堤汪濊水宗源何須禮數拘酬酢同是

神堯膝上孫 雁齒紅橋玉影明壺天縱目儼蓬瀛拂  
招林牖風光美負帶烟霞景物清笑語從容伯兮  
叔獻酬交錯弟於兄一堂敦睦家人吉却陋山河  
帶礪盟 綺疏晴旭麗瞳矐樂事天倫和氣融徐

進雕槃瓜有馥繁滋釦砌樹連叢情抒共許飛吟  
管興洽偏思駐漏筩行葦歌成欣既醉高秋樓閣  
靄春風

御製我

皇祖時曾集大小臣工於瀛臺宴賞甚盛典也茲因西  
成豐稔百物蕃昌於八月二十八日賜宴公卿庶  
僚於瀛臺以昭繼繩宣豫之意得詩四首

丙寅

趨陂鴈侶接鳴珂霽宇空澄氣色和共喜向筵開

早菊多緣紀歲得嘉禾  
柏梁臺畔騰牋集仙萼  
亭邊載筆過緬想

虞廷傳盛事颺言何以繼  
賡歌鏡中樓閣五雲稠  
皎日揚輝素景浮湛露詩成天酒下  
蓼蕭樂作徵招流曲江早獻千秋鑑  
梁國還登太液舟三世方明陪御賞  
從教佳話冠螭頭璇霄獨覩曉蟾娟  
濟濟冠裳擁慶烟丹粟香中陳桂醕  
玉山頽處酌瓊筵崇牙徐聽鈞天奏  
高閣遙聞畫漏傳此日含毫

多沈宋昆明漫數景龍年  
龍蔥鷄樹翠華留相  
悅君臣共唱酬  
鎬上宴開惟卜畫樓前  
醑賜正登秋在陰  
鳴鶴方縻爵樂藻遊魚不避鉤  
試問彬彬玉堂客  
瀛臺然否即瀛洲

御製秋日瀛臺集臣工宴賞既仿柏梁體聯句復召  
大臣及內廷翰林等三十八人用唐臣李嶠侍宴  
甘露殿詩為韻依前歲翰苑故事朕成首什及末  
章羣臣以次分賦

丙寅

蘭舟玉螭風珂馬金鰲



月令日秩威儀文筵盍簪笏

皇祖垂芳型元臣會華髮旨酒於以柔晚香猶未歇拈  
詩得李嶠成序懷王勃申咨山甫儔其何補袞闕

白藏昌百嘉西苑駐重牙翔鳳排香穗遊龍卷  
浪花喜因歌黍稷政可問桑麻水影含橋直山容  
入座斜杯浮漿是滷盤進棗如瓜侍燕詩成處還  
看飛暖霞

御製暮春瀛臺泛舟詩

丁卯

綠柳絲絲映畫船沿

洄如坐鏡中天杏桃破萼鋪春色鳬雁乘波沒曉  
烟錦纜牙樯啞綺靡湖光雲影得安便棹歌底借  
黃頭發夾岸鳴禽勝管絃

御製晚秋瀛臺即景詩

丁卯

仗馬排芳岸遊龍達

玉津趨臺宛蓬閣香宸重逡巡樹態疎添紫波光  
皎疊銀誰云秋色老蘭兒鎮涵春 綺砌黃花秀  
蝦簾朱鳥晶篆烟徐遞馥芸帙靜含清巖映猶飛  
瀑池亭可泛觥蓼蕭遊豫處著壁畫圖成

御製瀛臺攬景詩

戊辰

春風習以和春水綠而鮮

春苑既韶蕩春人亦熙閒寄情蓬瀛地得句水雲  
間昂首眺臺迴眸睇薊川谿桃未吐霞陌柳已  
帶烟向陽鵲補巢背雪雁下灘萬物欣萳甲一心  
圖治安無逸戒嬉遊有卷勉惕乾

御製春仲瀛臺詩

戊辰

幾閒清蹕幸瀛臺行樂熙

春亦快哉鏡裏軒樓如畫裏秋迴鳬雁到春迴鳥  
能言勝蠻絃譜花自蒙非羯鼓催邇日西川聞凱

報得教福地一徘徊

御製雨後瀛臺詩

戊辰

朝暾散曙光徂雲在空宇

超坡花木散太液鳶魚聚潤含草木馨漲溢瀑聲  
怒山亭水榭間並輦同此所了然成暫來愴爾獨  
延佇景光迅與否瞥眼半年許

御製夏日瀛臺襟詩八首

戊辰

日永亭臺爽且靜

雨餘花木秀而鮮朝烟欲歛湖波澈荷芰香中一  
放船紅隄宛轉接崇臺步履凌晨一竭來據坐

忽如臨百尺迎薰亭外鏡光開  
書屋桐陰依舊  
圓每因幾暇此流連樂羣當日徘徊處瞥眼流光  
廿五年  
春翹秋楚連鮮新脆促都成世閱人羸  
得忘筌纔片晌世間愁喜底為真  
山含宿潤澹  
烟光試散紆懷趁曉涼却愛水雲最深處輕颺撲  
面藕花香  
翰林直講還陳史吏部分班為進材  
勤政清幽花漏杳鳥聲紛自柳陰來  
黍疇桑陌  
綠雲深晴雨因時一酌斟豐澤園饒幽野意當年

此日劬農心 窓納竹風翻 鄴卷墨研荷露染 濟  
箋安心未識安心竟 每藉清機慮暫蠲

御製孟冬上旬於瀛臺賜經畧大學士傅恒及命往

蜀西諸將士食並成是什

戊辰

大清聲教暨遐

陬豈有來王稽蜀首黷武開邊非我志安良禁暴  
藉卿謀行軍吉值初陽復賜食恩同湛露流轉瞬  
明年擒娑虜還教凱宴侑封侯

御製初冬瀛臺即景詩

戊辰

蒼松夭矯石嶙峋 景

物初冬亦可人雀舫已收深塢裏冰床未出凍溪濱  
縹緗棐几愜澄觀橘月菱窓暖不寒敬業樂  
羣當日事年來此景更逢難 菊芳已歇未開梅  
朔景靈臺一竭來却憶前年淑清畔揆賤仙侶共  
流杯

御製仲春瀛臺即景詩

已已

輕雲遲日試耕天豐

澤耕餘一泛船鏡裏林花舒豔裔雲邊樓閣隱神  
仙智仁樂處山兮水飛躍呈來魚與鳶書屋脩閒

歐研淨每教清蹕為停延

御製雪後瀛臺即景詩

已已

金碧樓臺瓊島邊崇

情幽賞玉壺天三冬書史自娛耳一雪遊觀亦偶然  
素積遠螺餘冷峭明含牡蠣嫩陽鮮何人對此  
無佳會況我歡生卜麥田

御製臘日奉

皇太后遊瀛臺諸勝詩

已已

今日嘉平景漸遲雪凝

鵲晃琉璃省農幸得逢真瑞酬節欣惟奉



聖慈蕉殿香花參梵相液池  
黑虎試冰嬉迎年臘鼓春  
光近今昔評量有所思

御製雪後瀛臺即景詩

己巳

借問湖山底最宜最

宜應是雪餘時筠梢素積龍  
文織簷際冰明玉筋垂  
歲景崢嶸云暮矣壺天瀟灑  
一過之貞元消息真無息  
即漸晴窓旭影遲

御製新正瀛臺即景詩

庚午

瓊島初歸駘宕春行

時步輦下楓宸戶懸寶炬迎  
嘉夜鉗亞珠未正穀

長過籟竹敲金瑣碎巡檐梅足玉精神昨來已是  
隔年事攬結從頭物象新

御製瀛臺小宴外藩詩

庚午

行慶宜春嘉客來趨

臺曲宴例教陪晴開苑樹媚韶景雪糝天街淨薄  
埃樂奏雅寅初入律恩頒湛露滿浮杯一家中外  
熙和際保泰孜孜日念哉

御製暮春瀛臺泛舟詩

庚午

遊龍振舵鏡中天太

液春光劇可憐綠柳紅橋原恰當落花流水自便

娟圖書左右怡情久翡翠蘭苕浴浪鮮活潑潑真  
無盡藏化機豈待悟魚鳶

御製夏初瀛臺即目詩

庚午

敬舉

常霄藏事回仙壺咫尺暫徘徊花含宿雨迎雕輦樹張  
清陰覆曲臺水濶鳬依寧北去堂深燕賀定南來  
載賡錫宴傳佳話繪壁流連幾徃廻

御製夏日瀛臺詩

庚午

雨足旋清禁詰旦將視朝

勤政敢刻懈典禮期時昭取便憩瀛臺波光漾綺

寮漲添魚鳥樂地靜松栢喬圖雲延閣迥却暑涼  
風招補桐已森翠團陰覆芳翹夏日讀書處景光  
昔非遙

御製新秋瀛臺詩

庚午

新秋問景駐瀛臺霽宇澄

空鏡影開雜卉環階偏得意却從何處渡愁來

御製仲秋瀛臺詩

庚午

仙家樓閣迥宜秋瀛海瑤

山翠欲流風月清華瀛四季水天朗徹繞三洲露  
浮金掌涼初動雨過銀河暑盡收塵世景光難入

詠崇情只擬廣寒遊

御製雪後瀛臺即景詩

庚午

積素林巒石徑斜和

晴纔放早蒸霞三冬望澤憂勤切六出迎年景物  
嘉圓嶠風微花破萼藍田烟暖玉生芽湖山韶秀  
清遊適書屋擣毫紀歲華

御製新春瀛臺即景詩

辛未

鏡中結構學蓬萊行

樂新春到趯臺春入湖山韶且秀雪凝樓觀淨無  
埃詰屈蘭蹊竹柏清春烟融冶泮初晴書齋閒

檢前題句又覺新年景物迎  
翰墨林中靜六情  
收來雪水煮三清  
天街爆竹喧鳴處都是皇州報

喜聲

御製季秋瀛臺詩

辛未

素景仙壺異秋風太液多

白輕烟斂浦黃重菊分科  
汲古希韓綬惜陰懷魯  
戈池邊人字柳霜意又婆娑

御製仲春瀛臺即景二首

壬申

冰開太液試游龍

鏡面樓臺瑞靄重  
傍岸青含新芷刺隔林白引曉

烟封都來幾日因循過便覺芳春次第逢緣底行  
時今歲樂東郊雪後土膏濃 柳生稊際花含蕊  
花柳相宜爛漫前綠渚浴鳬新樂趣玉梅落瓣舊  
韶妍輕寒不勒萌青草細響纔淙帶碧泉與物同  
遊春浩蕩春時布化協天權

御製暮春遊瀛臺即景言志詩

壬申

三壺何窈窕

云在滄海中鞭石橋難就樓船路未通自此慕仙  
者驚望徒希踪何來液池內名境依稀同延樓既

崔嵬假山亦玲瓏四表達仙籟百世鬱喬松作者  
殫其力來者享其逸仍不免經營要取善繼述

澄瀛漾白芷春風敷其芳瞻彼泱泱波有來迴雁  
翔遵陸步蘭蹊得我讀書堂眄懷沂上點詎擬山  
陰王名教樂無數匪事逞相羊

御製雨後瀛臺攬景雜詠詩

壬申

藉田耕罷視朝

餘上苑芳菲過雨初底覺景光今日好麥秋有望  
為懷舒水增太液漾蘭船汀芷溪芼意盡鮮怡



似去年明聖畔柳舒花放暮春天 三千挿架有  
芸編佔畢明窓憶向年舊學商量無寸進補桐書  
屋自依然 春陰瓊島紀春明十歲春天九遇晴  
今日喜逢真面目佳名始覺有餘情 石來艮嶽  
勢嶽嶽千載荆凡默鑒茲當日誠知為燕用壞人  
墻屋爾奚為 淑清瀑布舊曾傳溪上三間頗靜  
便便與新名千尺雪懷吳兼慕隱人賢 春烟淡  
施幕平林陶冶湖山入靜深最喜迎眸新綠潤西

峰又復作輕陰 時和每凜持盈戒心慰那無茂  
對詩因悟人情彼我一先憂後樂恕行之

御製瀛臺攬景詩

壬申

綠樹全含潤紅樓迥納涼

簾旌疑燕羽軒網錯花光湘管摛新會芸編發古  
香試耕豐澤所撲隴簇針秧

御製仲夏瀛臺詩

壬申

雨過河源爽籟輕秀林嘉

蔭晷文楹三壺早識圖經注九夏何來暑氣生體  
道鳶魚看活潑消閒書史挹菁英麥登更喜新禾

茂慶慰還恩戒滿盈

御製人日瀛臺即目詩

癸酉

人日率逢齊法宮虔

端凝今年已

祈穀春雪況被塋令節氣始和即事傳攀登宴賞例不  
舉丘壑致可憑積素纈珠林噴流瀉玉峻一屏絲  
管闌轉覺襟懷激攬勝新景會勒壁舊題曾新舊  
信儼然流陰爾為能

御製雨後瀛臺即景詩

癸酉

內朝視事各區分雨

後餘閒意倍欣西苑行春因命駕仙壺如沐轉氤  
氲層樓延閣鏡光裏綠柳紅桃烟靄中不負好  
春是今歲可無佳句答東風君見官鴈戲文瀾  
咬藻依蒲自在歡等是淀池驚繳物笑他擇地得  
棲安松篁深處潤沾衣也覺濃陰漸漸肥便放  
輕舟剪烟景密雲又作雨絲飛

御製暮春瀛臺詩

癸酉

豐澤耕迴攬好春雨餘臺

榭淨無塵先憂後樂常懷我八政九歌俱重民心

觸清機親翰墨目遊潤景足精神快晴更為吾農  
喜播種羣將懇菽昀

御製瀛臺即景雜賦

癸酉

花光豔喬鳥聲諧雨後

三春是處佳流覽竭然思靜憩澄懷堂裏一澄懷  
湖山位置仿蓬瀛萬事由來有志成二典三謨  
明式在望洋徒嘆竟何情流杯亭是勝朝蹟從  
未臨流泛羽杯却擬吳中千尺雪三間茶舍倚松  
開舊時書屋今宣席便與佳名號補桐每展芸

編渾似昔五絃翹首慕薰風

御製仲夏瀛臺即景雜詠六首

癸酉

黃頭艤棹待

金鰲太液輕風送畫艘明日致齋遊未得好因路  
便事清遨紅墻曲折鏡光開芝字隄頭聳超臺  
却笑劉郎虛費事遙從海上覓蓬萊假山樹子

近天然閱世於今四百年恰似雲中吠雞犬略因  
津逮亦成仙入夏松篁森靜姿竹鑪小試午風  
時三間靜室無多子何事頻來去每遲步出松

門又放舟蕉園鐘磬落聲幽橫從玉竦橋邊過白  
塔凌雲更舉頭樓臺位置規浮玉為愛空明接  
水天壁上恰書江國詠一彈指頃向三年

御製秋日瀛臺即景詩

癸酉

高秋霽景暢登臨山

色湖光效靜深遐想貞觀留治蹟也教泉石一娛  
心金碧樓臺學嶠壺假山松檜綠陰扶涵元殿  
裏天香放勝賞明看畫作圖豐澤當春憶演犁  
黃雲今幸黍禾齊艱辛稼穡三時望曾未胼胝共

兆黎 太液波澄鏡影空  
蘭舟沿泛韻秋風  
尋常想像稱佳話  
那似當前體認工  
瓊島峰巒翠岌  
峩浮圖尊勝漾明波  
誰教日下傳春景  
可識秋光不讓多

御製新春瀛臺即事詩

甲戌

開正行樂合瀛蓬  
漢

樹唐花試冶韶景幾分春  
勝裏朱樓一朵翠雲  
中昨來歲序殊新舊  
資始乾元協雨風  
過眼寸陰求日益  
關心萬姓祝年豐



御製冬日瀛臺即景詩

甲戌

金碧樓臺望欲仙幾

餘攬結自東旋  
盆梅芳已傳冬節  
庭樹蒸纔別半  
年那得澄心延  
几席恰如過眼  
看雲烟擬詢葑  
築曾何謂不覺  
難酬笑蹶然

御製新春瀛臺即事詩

乙亥

步輦平明出超臺湖

山氣象已韶佳  
延樓綺畫連三  
島喜爆春聲達  
六街報午蓮  
簫明遞漏向陽  
蕪毯隱留芳雲  
客西北看來重  
擬綴天花點玉  
階

御製曉春瀛臺即景雜詠詩

乙亥

春祈將屆還清

禁西苑因之路便臨都為前朝甘雪足仙臺物物  
悅予心 液池新水嫩鶯兒浮拍蘭舟畫裏移却  
憶冰嬉曾幾日迅於駒隙莫如時 簷間雲是嶸  
山雪試問支硎更藉無却喜收來仙露潔竹爐茗  
椀試斯須 明亭曲砌淨無塵和淖昌昌報好春  
却上慶霄樓上望畫屏直北玉嶙峋

御製暮春瀛臺即景雜詠詩

乙亥

花明柳暗暮春

初韶秀青山過雨餘不擬流觴修禊事龍跳為乏  
右軍書 日知閣對流杯處觴詠當年集翰林鼓  
響春音曾幾載却成佳話壁間吟 松巖石秀皆  
因舊茶舍三間自我成昨過田盤千尺雪耳聾目  
色至今清 溶溶春水漾輕舠戟戟新蒲起鷺翻  
最好春陰瓊島望綠瓊雲上塔輪高 金源團殿  
記春明太液低臨玉竦橫設使崑崙誠可到此間  
十二是曾城 堂俯漪瀾翰墨清熙春風物總怡

情一拈鬚一章詩就率易由人著語評

御製新秋瀛臺雜詠詩

乙亥

雨霽輕輿登超臺假

山窈窕復崔嵬補桐書屋芸編展金井葉飄書案

來紅樓翠樹俯澄瀛砌下蟲音似有情半月風

光剛瞥眼幾多秋意逼人清綠船往往泛蘭漪

爽拂秋風太液池一帶輕烟纔傍岸露珠猶在柳

絲垂雲間天淡真佳候夜雨朝晴最稱心底事

此中翻切切曰予無處可忘欽

御製立春日瀛臺雪中春望詩二首

丙子

初歲欣

占第一祥繽紛瑞葉應勾芒  
延樓五雉皆成玉溫  
樹三花總是唐緬邈渾如連  
遠色氛氲真似豔韶  
光祈年誠慰慰還懼夏長秋  
收正爾長經冬望  
澤每無眠慶值春朝吉事駢  
訝可行時向蓬島真  
成舉步踏瓊田霏微瑞色扶  
仙木颯灑寒光映綺  
錢有喜得教近臣共重華文  
會例依前

御製正月晦日瀛臺詩

丙子

華鐙排日度侵尋典

學明裡要並欽敢事嬉遊御苑駐用因齋戒法宮  
臨趨臺路便聊留目霽雪泥融足慰心却笑湖山  
常自若先憂曾幾暢清襟

御製新秋瀛臺雜詠詩

丙子

琪花瑤草露華浮水

面風來香滿樓怪底今朝披颿爽日交秋月節迎  
秋名園日涉方成趣我却踰時始一來了識餘  
閒不多得猶然位置復何哉竹蹊詰曲如詩讀  
湖石玲瓏當畫看屨步不妨過半里心舒雨後曉

秋寒 花鳥契幽皆悅目林泉遠俗總怡情設教  
著處標名字反覺區區太泥生

御製秋日瀛臺詩

丙子

碧樹朱樓翠島峴到來人

似月中人千枝共愛霏金粟九斛誰當輸玉塵境  
詣幽惟却藻績水澄波處養冲真笑予未是忘言  
者鳳味龍香率喜親

御製新正瀛臺詩

丁丑

春到皇州始臺臨禁苑西

暖將融翡翠凍欲解玻瓈盆雪梅彈萼隄烟柳漸

梯假山如讀畫生意解供題藻繪呈窓綺花牋拂  
几綈行將命春駕澤國慰來徯

御製泛舟至瀛臺即景三首

丁丑

玉竦新修飲練

橫輕舟直擬達仙京由來太液一池水三海何人  
浪與名黃頭緩著盪蘭橈為愛芳荷浥露饒襲  
襲清香無遠近蓬瀛猶在錦雲標補植高桐出  
老枝團陰障暑綠參差墨壺書策三庚靜正是當  
年敬業時



御製雪後瀛臺即景是日復雪詩

丁丑

已喜公田

三寸滋又看仙島六花蕤非烟非雨有如是於畫  
於詩無不宜細穆長空方緬邈遠綏曲岸漸迷離  
竹鑪雖具何曾試今日幾餘可試為

御製新春瀛臺詩

戊寅

祭臨吉戊返宮垣路便南

臺小駐軒綺戶歲屏猶未徹仙壺春事已堪論柳  
稊欲展風還弱梅萼如嫌旭乍溫逐處題詩寧慮  
複盤盂几杖意斯存

御製仲春瀛臺詩

戊寅

王宮將執鎮路便此來臨

雨後出耕犉冰開下水禽金搖絲柳重綠吐綺莎  
深萬物熙春意從知造物心

御製新正瀛臺小宴御前藩王大臣及漠咱忒爾詩

己卯

運斗屠維單闕迴順時行慶合瀛臺千羣

尚可冰嬉試三接都教春宴陪屏翰何妨厠葱嶺  
歡娛齊說到雲來鵲場晴靄因觀射示遠寧徒好  
樂哉

御製新正瀛臺即景詩

己卯

携觀惠示遠來人取

便蓬壺一攬巡延賞樓臺皆恰當向陽景物又從  
新湖山故是神仙地松竹那論已卯春慶節皇州  
簫鼓鬧愧稱身先俾還淳

御製仲春瀛臺詩

己卯

右壇祭罷待經筵餘暇仙

壺一覽便冰脆無人步太液柳柔有鳥織輕烟愛  
觀生意方陶矣雅勝韶華特熾然隨處清供成小  
憩悅心惟是手芸編

御製仲春瀛臺詩

己卯

將視朝儀又進宮趨臺路

便喜舟通土炁香潤雪消後水漾波新風暢中弄  
眼柳纔幾絲綠含胎桃未十分紅欣觀物物皆生  
意保合太和總化工

御製望瀛臺未至詩

己卯

執豕修宮祀儲牛逮藉

田必躬伊古訓清蹕以時旋帶水盈盈隔凝雲漠  
漠連三壺疑在即宛似望瀛仙

御製人日瀛臺即日詩

庚辰

問

安長樂噦鸞聲佳祉欣占人日晴祇以對時懷位育因  
之取便到蓬瀛歲華見說登臺賞國典惟遵徽樂  
馥寶月樓頭春色好為因一攬萬民情

御製瀛臺賜宴安集延來使即席得句詩

庚辰

奉

檄猶慚力未宣不旋書捧使來專閉闕難學漢光  
武謁陞何期安集延西苑都稱到天上南蘭羣喜  
沐恩先仰流嘉彼明於順三接應申錫賚駢

御製瀛臺賜宴拔達山來使即席得句

庚辰

歸俘

獻馘識忠誠  
貢使隨來萬里行  
第一西方足嘉國  
無雙天下此都京  
俾觀禮樂三千盛  
待賞烟花午夜明  
重譯又須宣象寄  
筠冲語異建蓬瀛

御製瀛臺曲宴外藩詩

庚辰

仙壺曲宴答韶年舊

典惟茲懋懋聯北漠  
戶庭真密邇西瀛  
裴怕許參連  
兜離歌與任傑舞  
拔達山將安集延  
近悅遠來寧  
易易側身基命益  
乾乾

御製瀛臺宴拔達山諸部回使詩以紀事

庚辰

遠

吏徠朝宴遣歸傾誠憐彼戀依依燈宵剛度韶春  
麗夜雨欣晴瑞旭輝乍可頒飭聯撒荔何妨升服  
接絲衣從來曰信大蒙重安爾耕桑永受機

御製瀛臺泛舟觀荷三首

庚辰

朝來驟雨打新荷

雨後擎舟賞若何白閃露光飛上下紅滋霞影舞  
婆娑火氣全無甲煎香木蘭輕漾喜晨涼詩人  
耳食擬天上可見黃姑錦段張風翻露蓋深還  
淺雨洗紅粧正復敬寶月樓頭迴看好分明宜畫

又宜詩

御製仲秋瀛臺詩

庚辰

慶成率衆叩

慈寧用奉

安輿返禁廷郊外豐收欣飽看苑中佳景得閒停碧天  
望月將圓滿太液秋風正淥渟桂樹本來蟾窟種  
幾枝金粟倚虛櫺

御製雪中瀛臺即景詩

庚辰

徹夜繽紛曉勢并問

安迴與步瑤京低飄曲岸時踈密細糝長空鎮繆縈羃



柳寒藏棲鳥語挂崖凍隱落泉聲冰蹊試屨堪遲  
意即景無端拙速成

御製新正瀛臺即景詩

辛巳

鳳閣咨安

謁祿躬西華路便趨臺通落成錫宴衣冠侶待備間遨  
松竹叢樓現祇疑瀛海表人行都在玉花中陽和  
即漸舒條鬯春祉還思與物同

御製正月晦日瀛臺即目詩

辛巳

燈夕林園慶賚

成明裡典學要躬行駕言用返中宸禁路便聊遊

西苑瀛消雪樹根白餘潤向陽苔色綠生榮景龍  
往事無須述風物含韶獨暢情

御製仲夏瀛臺詩

辛巳

雨霽朱明曉亦涼順塗摠

駕賞烟光誰言城市無三島即聽松篁有八瑯荷  
未放花先吐葉燕來窺戶舊巢梁弄田自是芄新  
穎悅在農郊景勝常

御製望瀛臺未至因題其壁詩

辛巳

御園宜夏日

亟圖趨爽還液岸度肩輿過置咫尺間著句題其

壁亦如親歷旃試看昔親歷所題奚殊焉瀛臺信  
瀛臺木石皆神仙笑似擊腕人可望不可攀 循  
藻韻樓折而東南向者為 補桐書屋

皇上曩時讀書之所也庭有雙梧其一為風雨所摧  
乾隆甲子之歲

命奉宸補植之因顏為補桐書屋而以舊桐斲為四  
琴貯書屋中

御製補桐書屋作

甲子

瀛臺雙桐向所有因循枯

一成獨樹秋夜春朝失侶陰認巢好鳥徘徊去老  
幹吟風似作悲團葉無心奉承露樹猶如此人何  
堪爰命郭橐為補足佳蔭依然罨綠窓相得乍喜  
矧相妬未必人心似樹然世間雲雨紛新故倚桐  
無語立斯須彷彿廿年前覓句

御製春正曲宴外藩因至補桐書屋詩

丙寅

梅放

香珠草茁芽果然春色最仙家恰聽松竹勝韶管  
適可琴書悅歲華蜀紙再臨春日帖越甌一試雨

前茶駐年要識無常住次第花樞旭影斜

御製新春補桐書屋詩

丁卯

嘉宴錫遠人翠罕駐

西苑光風柳外搖春色壺中宛徙倚憩書屋俯仰  
盼雲巘池陽冰漸脆牆陰雪初暝嫩莎忽已萌生  
穉未能綰孤琴何必撫雙鶴原堪歎幾餘此靜討  
逸興復不淺大哉造化功妙矣韶華轉

御製補桐書屋率題

丁卯

溫暾曉日一牕紅牕下

工夫想像中昔日今時猶歷歷補桐書屋自雙桐

枯枝早是中琴材新幹扶踈翠影堆淨几明窓  
新得句肯教虛度此頻來石門松影鬱蕭蕭森書  
室三楹倚碧岑階下淙淙鳴曲注朱絃不奏亦琴  
心

御製補桐書屋作

己巳

書屋蕭閒研席清嫩陽堪

愛一窓明靜中底覺華年近時聽街衢爆竹聲

松門石磴步徘徊五色雲中望趯臺最愛庭柯餘  
雪在錯疑昨夜綻寒梅每教舊句聯新句可識

今年即去年憂樂向來何處著惟餘省歲念無遷

御製補桐書屋作

辛未

初歲喜傳陽仙壺得春早

玉梯步嶙峋石門尋窈窕  
雲齋小留憩琴音和春  
鳥風竹動琅玕雪梅綴朱藻  
契理獨忘言佩文因  
味道

御製補桐書屋詩

甲戌

假山疊磴窈而深四壁琴

書翰墨林俯仰箇中猶故我  
補來桐樹已成陰

御製補桐書屋詩

乙亥

倚巖書屋灑然清簾上韶

光泛額旌幾暇悅心古圖史新春行樂小蓬瀛墨  
壺琴薦相前後舊詠新裁自品評靜聽市聲真富  
庶幾多返樸塵予情

御製補桐書屋詩

丙子

詰曲玲瓏石逕深每來端

是稱予心新枝萋萋待三月舊樹風華在四琴題  
壁詩成今續昔開函書展昔猶今窓前正作紛糝  
勢却為農祥喜不禁

御製補桐書屋題四琴之作

戊辰

舊桐已枯命工



斲為四琴名之曰瀛蓬仙籟湘江秋碧臯禽霜唳  
雲海移情既成匣而藏之仍置補桐書屋中徘徊  
感舊輒以命篇 愛爾特生質成琴亦足豪七條  
龍在軫四美友成曹非夔休稱蔡有弦何礙陶即  
看題句者兩髯點霜毛

御製四琴詩

乙丑

瀛臺補桐書屋所餘老桐因循

復枯惜其材製為四琴各錫之名而題以詩

瀛蓬仙籟

弱水湯茫不可極有山三點窠焦黑齊人擊腕徒

相憶中多不死森森植不為爨下為牖北無弦亦  
可鳴以默靜好天然中繩尺鳳唳玉軫太古式偈  
演無生仙籟戛比丘得道山叟寂補屋主人餘結  
習枯榮入目迷五色湘江秋碧不解攬醪解琴意七絃  
挂壁何不可暉十有三丁晨星導和理性圖書左  
湘江夜月來水仙窓映飄蕭綠陰鎖何須鳴玉覓  
金儒愛渠亦復周旋我臯禽霜唳招鶴棲桐桐即鶴斲  
桐肖鶴鶴即桐幻哉今昔今原昔是一是二將無

同龍銀鳳額渾餘事春風秋月何忽忽

雲海移情

補桐

時節桐森森因風常作太古音曾不幾年鄰死灰  
當前枯苑同陶陰底俟為薪識偉物雷霄裁作冰  
絃琴成連古有今則無移情詎必雲海深裴几高  
張殿閣涼南風一曲渺予心其東室聯曰摩空

野鶴養真性遠壑風泉清道心西室聯曰清陰  
欲凌霄漢上遠意自在山水間北向者為隨

安室聯曰柳陰分綠籠琴几花片飛紅入鏡屏

御製題瀛臺隨安室詩

辛巳

書室依林俯碧瀾文

窓紗綠稱遐觀庭虛松栢泛清籟坐久衣裳生峭  
寒觸目有懷皆遠俗忘言何處不隨安爐烟晝永  
禽魚適長嘯一聲天地寬 又折而東山逕間為  
待月軒軒南有海神祠軒北有亭亭西為

鏡光亭東為 牧魚亭循 綺思樓而西山上

有臺扁曰八音克諧稍北為 長春書屋聯曰

松烟衝翠幄雲逕繞花源屋後小室曰漱芳潤

睽曰勝地尚傳詩句在好山合作畫圖看其內  
奧室聯曰悟物思遙託悅心非外求

御製賦得漱芳潤詩

庚辰

窈窕雲廊轉邃清芸閣

通經書趣有永翰墨樂無窮潤發心源濬芳含意  
蕊融集虛原踐實釋躁非談空浴德期澌漬研精  
勉擴充詎惟資藻句二典企欽崇 由 長春書  
屋而西臨池有亭三楹扁曰懷抱爽左右山石  
間有劍石二上刻插笏二字亦

御筆也

瀛臺之南隔池相對為

寶月樓液池南岸向無殿宇乾隆戊寅建樓於此

北與瀛臺相對南臨皇城俯見長安西街

朝騎樓廣七楹樓上扁曰仰觀俯察聯曰佳興

四時同圖呈苑裏清光十里共鑑徹池心樓下

東室北間扁曰錯繡曰卷綃聯曰雲容水態從

頭會秋月春風取次拈又曰玉宇近高寒欄憑

十二慶霄增朗徹界俯三千又曰烟雲舒卷攬  
勝賞松石古淡怡遠情南室扁曰芳援曰玉萃  
聯曰雲歛琳霄目因迥水澄蘭沼意俱深又曰  
寫影水中央萬川同印澄輝天尺五一鏡常懸  
又曰風物似登瀛景呈瑤島雲山疑卷畫影漾  
金波

御製寶月樓記 文有神會落筆可以千言興有時  
來待機不妨數歲寶月樓記之作遲速蓋有如是

是寶月樓者介於瀛臺南岸適中北對迎薰亭亭  
與臺皆勝國遺址歲時修葺增減無大營造顧液  
池南岸逼近皇城長以二百丈許闊以四丈許地  
既狹前朝未置宮室每臨臺南望嫌其直長鮮屏  
蔽則命奉宸既景既相約之桮之鳩工戊寅之春  
落成是歲之秋久欲為記輒以片時往來率即成  
詠罷輟茲始叙而記之蓋是樓之經始也擬以三  
層既覺大侈則減其一延不過七間袤不過二丈



據岸者十之四據池者百之一池不覺其窄岸不覺其長拾級而登布席而坐則雲閣瓊臺詭峰古槐峭蒨巉巖聳翠流丹若三壺之隱現於鏡海雲天者北眺之勝概也憑窗下視迥出皇城三市五都隱賑縱橫賈貿帶鬻列隧百重華蓋珂馬劍珮簪纓撫茲繁庶益切保泰與持盈此則南臨之所會也於東則紫禁紫微左廟右社規天矩地因上因下授時順鄉玉堂金馬慙茅茨於有虞法卑室

乎大夏奉此宮室每同漢文恐羞之情也而其西則西山起伏連延朝嵐夕靄氣象萬千春雨霖而農興秋霜落而林殷是又神皋繡壤下視三都與兩京也樓之義無窮而獨名之曰寶月者池與月適當其前抑亦有肖乎廣寒之庭也夫人之為記者或欣然於所得而予之為記常若自訟是宜已而不已予亦不知其何情也系以辭曰 樓之聳惕居高以悚樓之廓坦吾心以樂樂與民同悚勵已恭

樂不忘悚樂斯益永謂悚匪樂悚不可藥摘辭壁  
間因識意之所存

御製題寶月樓詩

己卯

南岸嫌長因構樓樓臨直

北望瀛洲一泓水鏡呈當面滿魄冰輪映舉頭金  
掌夜盤流沆瀣玉街晨珮響琳球康家佳句誰能  
繼處上常盈保泰謀

御製登寶月樓詩

庚辰

聳出宮城五色雲皇都佳

氣氤氲氤居攬外襟懷暢擊轂摩肩職植殷正

看銀屏當七日且遲玉鏡與平分近臣惟是知有  
喜那識持盈一念勤

御製題寶月樓詩

庚辰

四時寶月最春秋秋較春

還勝一籌看桂勝於看梅冷對晨饒却對宵留有  
雲亦為管絃避便夕那資燈火稠韻語更因思白  
傅可能到此不登樓

御製寶月樓詩

庚辰

輕舟遮莫岸邊維衣染荷香

坐片時葉嶼花臺雲錦錯廣寒乍擬是瑤池

御製登寶月樓詩

庚辰

樹古延颺爽荷香淨露晨

艤舟登寶月拾級俯銀淪首善皇州地興賢蕊榜  
辰天街珂馬客甫纔退朝人

御製寶月樓題句

辛巳

東北風吹律應條密雲微

雪灑崇朝冰牀碾玉雙輪朗月閣梯霞百級超勝  
啟瑤筐連人日燈懸松棟迓元宵御園燈火常年  
例分付高樓自慶霄

國朝宮史卷十四